




新刊圖書集成彙編

中武
132
3



70

75

80

85

90

95

武
132
3

60

65

70

75

80

85

90

95

張氏醫通纂要卷二

內傷

喜怒不節起居不時有所勞倦皆損其氣氣衰則火旺火旺則乘其脾土脾主四肢故困熱無氣以動懶於言語動作喘乏表熱自汗心煩不安其脈浮大

○內傷始為熱中病似外感陽證頭痛大作氣高而喘身熱而煩上氣鼻息不調四肢困倦不收無氣以動無氣以言或煩躁悶亂心煩不安或渴或不渴心火上炎尅肺經則渴血脈中有濕則不渴或表虛不任風寒目不欲開口不知味氣口脈大於人迎兩三倍但急大而時見一代此內頭脾氣不續之脈也補中益氣湯若有宿食則右關獨沈而滑枳朮丸

補中益氣湯 治內傷勞倦耗氣及勞力感寒

黃耆 酒炒一匙

人參 三分加一匙

甘草 炙五分加一匙

白朮

三分加至五分若脇下痛者有瘀血也須生用

當歸 土炒

橘皮

升麻

柴胡 各二分加至三分

右水煎食遠稍熱服



脾氣者上升則為元氣。下行則為邪氣。內傷中虛表熱。或潮熱自汗。補中。正方。表熱加羌防。腹中滿。加附子。凡用補中。病熱已退。升柴不用可也。若渾身拘急作脹。係風寒。宜加羌防。但作脹不拘急。為內寒。加附子。下體痿軟。或虛弱者。不可用。凡內傷。藏附子於白朮中。令其守中。以止瀉也。表熱盛。藏附子於黃耆中。欲其走表。以助陽也。凡內傷調理。用羌活散其肝邪。此為正治。倘人兩尺虛微者。勿用之。

朱砂安神丸

治內傷熱。傷心。包氣浮。心亂。虛

煩不寧

朱砂水浸立去
一半為衣

甘草五錢

黃連酒蒸五錢

當歸二錢
五分

生地黄一錢
五分

除硃砂。共為細末。湯浸蒸餅為丸。黍米大。朱砂為衣。每服十五丸。至三十九丸。獨參湯。或補中益氣湯。送下。

○內傷末傳寒中病。似外感陰證者。腹中胃脘當臍痛。四肢與兩脇拘急。膈噎不通。或涎唾。或清涕。或多溺。足下痛。不能任身履地。骨

乏無力。喜唾。兩丸多冷。陰陰作痛。或妄見鬼狀。腰背肩脾脊脊皆痛。不瀉不瀉。脈盛大。以瀋。名曰寒中。枳實理中湯。加附子。肉桂。益智。草豆蔻。兼腎藏火衰。面黑足寒。小便不利者。八味丸。加鹿茸。五味子。見虛損

枳實理中湯

理中湯加枳實

八味丸

見虛損

○內傷似外感。陽明中熱證者。天氣大熱。時勞役得病。與陽明傷熱白虎證相似。此脾氣大虛。元氣不足之證。因饑困勞役之後。肌熱躁悶。煩渴引飲。口鼻氣促。目赤面紅。惡熱。晝夜不息。脈大而虛。重按全無。經曰脈虛則血虛。血虛則發熱。誤服白虎。必危。當歸補血湯。

當歸補血湯

治血虛至夜發熱。煩渴引飲。其

脈洪大而虛。重按全無者。

黃耆蜜酒炙
六錢

當歸酒洗
二錢

水煎溫服

○內傷似外感。惡風寒證者。有因勞役辛

苦。腎中陰火沸騰。後因脫衣。或沐浴。歇息於陰涼處。其陰火不行。還歸肌膚。滕理極虛。無陽被風。與陰涼所遇。以此表虛不任風寒。與外感惡風相似。其證少氣短促。懶於言語。困弱無力。不可同外感治。補中益氣。加紫蘇。菴活。甚者。加桂枝。最當。

○勞倦所傷。虛中有寒者。脾胃虛弱。不能運化。致寒物冷痰膠固於中焦。時時痞悶。不覺饑飽。其脈雖弦。而按之不鼓。當溫暖以助脾健。清理中官。理中丸。若臍下築者。腎氣動也。去朮。加桂。吐多者。氣上壅也。去朮。加生姜。下多者。氣泄而不收也。還用朮。悸者。飲聚也。加桂苓。渴欲飲水者。津液不足也。倍用朮。腸中痛者。倍用人參。寒多倍乾姜。腹滿去朮。加附子。

○勞役所傷。虛中有熱者。饑飽勞役。損傷脾胃。元氣不足之人。其脈多弦。或洪緩。按之無力。中時一瀋。其證身體沉重。四肢困倦。百節煩疼。胸滿短氣。膈咽不通。心煩不安。耳聾耳鳴。目熱如火。視物昏花。口中沃沫。飲食失

味。忽瘦忽肥。怠惰嗜卧。溺色變赤。或清利而數。或上飲下便。或時發泄。腹中虛痛。不思飲食。調中益氣湯。如時頭熱躁。是下元真火。蒸蒸然發也。加生地黃藥。如大便虛坐不得。或大便秘了而不了。腹中常逼迫。氣血虛瀆也。倍歸身。如無已上證。只服黃耆。人參。甘草。橘皮。柴胡。升麻。蒼朮。酒黃藥。

調中益氣湯

補中益氣湯。加白芍。五味子。私日與東垣元方異宜參看

○飲食不節。勞倦所傷。腹脇滿悶。短氣。遇春時口淡無味。遇夏雖熱。猶有惡寒。饑則常如飽。不喜食冷物。升陽順氣湯。

升陽順氣湯

補中益氣湯。去白朮。加半夏。草豆蔻。神麴。黃藥。生姜。

○勞倦所傷。寒溫不適。身熱頭疼。自汗惡寒。脈微而弱。黃耆建中湯。見虛勞

○饑飽勞役。胃氣不足。脾氣下溜。氣短無力。不時寒熱。早飯後轉增昏悶。須要眠睡。怠

嗜嗜卧。四肢不收。懶倦動作。五心煩熱。先服升陽補氣湯。二三劑。後服補中益氣湯。脾胃虛弱。喘促少氣。衄血。門冬清肺飲。

升陽補氣湯

升麻湯。去葛根。加羌活。獨活。防風。柴胡。厚朴。澤瀉。生姜。大棗。

門冬清肺飲

治熱傷肺胃。喘嗽。吐血。衄血。生脉散。加黃耆。甘草。紫菀。白芍。當歸。

○脾胃之氣俱病。似痿弱證者。脾胃虛則怠惰嗜卧。四肢不收。時遇秋燥。令行。濕熱少退。體重節痛。口乾舌燥。飲食無味。不欲食。不食消。大便不調。小便頻數。兼肺病。灑灑惡寒。慘慘不樂。面色搞不和。乃陽氣不伸故也。升陽益胃湯。

升陽益胃湯

治脾胃受傷。邪熱內陷。外反惡風。厥冷脈沉。大小便秘瀼。不可誤認陰寒。而用熱茶。又不可誤認實火。而用涼藥。宜此湯。升舉微汗則愈。

補中益氣湯。去升麻。當歸。加羌。獨。白芍。防風。半夏。茯苓。澤瀉。酒煮黃連。姜。棗。服茶後。

忌語言一二時。戒酒麪生冷。薄滋味。養胃氣。稍食美食。以助茶力。更宜小役形體。使胃氣與茶轉運升發。慎勿大勞。以傷脾胃。升發之氣。

○內傷左脈常細而瀼。右脈多浮而大。陽氣下陷。不能生陰。故血枯而左脈細瀼。脾胃虧損。不能生金。故氣虛而右脈浮大。

○內傷寸口大於尺內。此陽盛脈也。保元加歸。芍。引下則大脈去。而陽氣亦內救也。此從陽引陰之法。

○肝脈細。餘脈和緩。補中。加枸杞。以枸杞補肝血故也。脈氣不足。用四君子。脈氣有餘。用平胃散。

○病重。茶宜輕緩。劑宜减小。只以固中劑三四味。以俟胃氣之復。

○脈氣虛而脈弦者。服補中益氣湯後。必發癰。脾氣虛而濕勝。服補中益氣湯後。必患痢。此邪尋出路。仍服前湯自愈。

○清陽下陷。陰火上升。若用寒茶。則陽愈陷。火愈熾。火尋出竅。虛者受之。或目痛。或耳

聾或齒痛。從其虛而散也。

○脾脈豁大。須防作瀉。虛陽作瀉。遇此脈必難愈。

○凡胸前作脹痛者。皆陽不達於胸。陰氣

壅塞故也。蓋陽則氣化通達。陰則痰凝氣滯。

○清陽下陷。陰火上升。則為氣逆。濁氣凝

滯。則為痰厥。所謂脾氣下溜。乘於腎肝。而成

痰厥。氣逆之漸也。

○脾氣上升。則為清陽下行。則為邪氣。

○內傷中虛表熱。或潮熱自汗。補中正方。

表熱加羌防。腹中滿。加附子。中氣不和。加青

皮。神麴。間用八珍調理。

○病顛倒難明。必從脾胃調理。

○凡用補中。病熱已退。升柴不可也。若大

便燥結。小便不利。或平常此證。此清氣下陷。

補中數貼無妨。如熱甚不去者。甘草少故也。

○如用補中。汗少肺氣不開。加用黃耆。汗多

裏氣不守。加用人參。熱不退。加用甘草。臍以

下無汗。加黃柏三分。渾身拘急。作脹。係風寒。

宜加羌防。但作脹不拘急。為內寒。宜加附子。

○內傷大便閉者。補中加蘓子。枳殼。杏仁。

小便不利。加牛膝。汗多。加白芍。減升麻。口乾

加煨葛根。五味子。無汗。加用升麻。久病而熱

不退。氣短促。用保元。桂附。煩躁。加當歸。白芍。

麥冬。五味。

○大便欲去而不去。或著而不出。為氣虛

了而不了。為血虛。俱宜補中益氣。氣虛加用人

參。血虛加用當歸。凡裏急後重。初起皆屬於

熱。日久作陽氣虛。陷治之。前湯加用升柴。

○內傷久而不愈。潮熱微汗。欬嗽不思飲

食。補中益氣。加乾姜。自愈。不必理痰。治嗽。正

氣足則痰自除。

○內傷用補中十餘劑而無汗。及汗不至足

者難治。然亦有服至二三十劑。而汗出者。若

服後遍身疼痛者。亦難治。

○氣虛作脹而脈虛。用補中等和中藥。脈

反有力者不治。

○內傷寒熱間作。氣血兩虛。一不宜頭痛。二

不宜便秘。三不宜絕穀瀉利。三者難治。

○凡內傷。誤用竹葉石膏。須防失血。過二

十日有反覆。誤服黃柏。知母等藥。須防泄嘔吐。二三日便見。

○內傷身無大熱。頭不甚疼。胸膈飽悶。大便不通。庸醫下之而閉。而復下。下而不愈。陽已將去。或遍身疼痛。不能轉動。腹脹內有積血。雖神氣清爽。飲食可進。亦不能治。

○或問。素有病人。遇勞役動作。反覺精神強健何也。曰。此陰火沸騰。扶助於內。不覺元氣之不足也。若靜養調適。反覺神倦氣弱。此陰火已退。陽無以復。本相透露故也。

○氣口脈大而虛者。為內傷於氣。氣口脈大而時頭一瀋者。為內傷於血。氣口脈大而瀋。人迎及尺弦者。為醉飽入房。肝脾氣血俱傷。人迎脈弦而數者。為瘀血。氣口脈滑而實者。為宿食也。

○脈氣不足。用四君子。脈氣有餘。用平胃散。有餘則瀉。不足則補。五臟皆然。

附方一方

八解散。去厚朴。加芍藥。

虛損

虛損病。痿喘咳嗽。蒸熱自汗。盜汗。失血。滑精。經閉。泄瀉之類。本病之常。而陰虛陽虛俱有之。宜辨別之。古來雖有五勞七傷等名義。而其受病之因。不過陰陽血虛而已。勞熱晡發。夜盛。善渴。易飢者。陰虛也。晝日煩熱。至夜稍安者。陽虛也。咳嗽。咽乾。咳甚。畧有粘痰者。陰虛也。吐血。紫赤。濃厚。光澤。或有血塊。星縷者。陰虛也。血色晦淡。無光。吐久不凝。或有瘀血。多帶痰水者。陽虛也。泄瀉。臭穢。身熱。煩渴者。陰虛也。瀉下。純清水。或白沫者。陽虛也。陰頭寒。而精出不知。或溺後有滑精者。陽虛也。經閉。發熱。咳嗽。五心煩熱者。陰虛也。少腹引痛。而背惡寒者。陰氣有餘。循經而乘陽位。必有乾血。若雖經不行。但少食。倦怠。腰腹不痛者。陽虛也。陰陽俱虛。則寒熱之證。錯雜而見。又當審其偏勝。而可處也。

金匱八味腎氣丸 治陰虛火動

乾地黄 兩

山茱萸

乾山藥

微焙各四兩

牡丹皮

白茯苓

沢瀉

各三兩

附子炮

肉桂各一兩

右為末。煉蜜丸。梧子大。每服五七十九丸。空心淡鹽湯。臨卧時温酒下。以美饍壓之。

錢氏六味地黄丸

陰虛火動。用八味丸。病勢稍退。以此調理。

八味丸

去桂附。用縮砂製。熟地黄。

後世八味丸

治腎虛命門火衰。

原方八味。用縮砂製。熟地黄。

加減六味丸

治陰虛。效嗽。吐血。

六味丸。去山茱萸。加葶藶四兩。亦可膏。

河車六味丸

治稟質素虛。將欲成勞。

六味丸本方。用紫河車熬膏丸服。

都烝丸

治腎水不固。效嗽精滑。

六味丸。加五味子一兩。

七味丸

治腎虛火不歸根。散在上外。

六味丸。加桂一兩。或二兩。

加減八味丸

治腎虛火不歸源。開熱咳嗽。

六味丸。加肉桂。五味。各一兩。

濟世腎氣丸

治腎氣不化。小便瀆數。

熟地黄四兩

茯苓三兩

山藥

山茱萸

牡丹皮

澤瀉

肉桂

牛膝

車前子各一兩

附子炮五錢

右為末。煉蜜丸。梧子大。

清金壯水丸

治水虧火旺。薰肺蒸熱。效嗽。

六味丸。加麥門冬三兩。五味子一兩。

納氣丸

治脾腎皆虛。蒸熱。效嗽。倦怠。少食。

六味丸。加沉香一兩。砂仁二兩。如泄瀉。少食者。用乾山藥末調糊。代蜜為丸。

香茸八味丸

治腎與督脈皆虛。頭旋眼黑。

六味丸。加沉香一兩。鹿茸一具。

十補丸

治稟賦腎陽虛。下體無力。小兒解顱。

脛軟。膝蓋不生。

八味丸。用熟地。加鹿茸一具。五味子一兩。

四君子湯

治陽虛虛弱。飲食不思。倦怠。少食。

人參一錢

白朮炒黃一錢

茯苓一錢至一錢半

甘草炙六分至一錢

右四味水煎。空心温服。

異功散

治肺胃虛。稀痰喘嗽。

四君子湯加橘皮為散。每服三四錢。加生薑一片水煎。

保元湯 治陽虛衛管不足。

黃耆蜜酒炙三錢至六錢 人參自三錢至一兩 甘草炙一錢

水煎。

理中湯 治陽虛泄瀉。

小建中湯 治風水乘脾。寒熱腹痛。

桂枝湯倍芍藥加膠胎三錢。

黃耆建中湯 治虛勞感寒。發熱自汗。

桂枝湯加黃耆錢半。膠胎一合。○千金多

人參一兩。

○陰陽俱虛者 審其偏勝。而原方八味丸

兼異功保元。或異功保元建中。兼諸地黃丸

○外感欬 與陰虛欬嗽。尤宜辨晰。外感欬

嗽則聲盛而濁。先緩後急。日夜無度。痰涎稠

粘而喘急。陰虛則聲怯而槁。先急後緩。或早

甚。或暮甚。清痰少氣。喘乏也。

○陰虛脈弦而數。或細或澹。證兼盜汗。午後

作寒熱。面色純白。兩頰赤多。清痰乾欬。

○午後嗽 多屬陰虛。夜服六味丸。或加五味子麥

門晨服異功散

○大約欬嗽護熱。始以泄氣為主。若久嗽

不止。必然氣虛火旺。一切耗泄之藥不可用。

當以保元生脈收斂之。

○好色之人。元氣素弱。欬嗽不愈。喉中血

醒。腸中隱痛。瓊玉膏不應。加減八味丸。

瓊玉膏 治虛勞乾欬。

鮮地黃四十兩

人參另為末

白茯苓另為末

沉香另研

琥珀另研各半兩

先以地黃熬膏。點紙上不滲。入人參茯苓末。

并入糖晶二十兩。攪勻。溶離火。再入琥珀。沈

香和勻。磁罐收藏。清晨午前。溫酒服數匙。沸

湯亦可。

○肺胃虛弱。欬嗽喘促。吐血衄血。自汗盜

汗。門冬清肺飲。

門冬清肝飲見內傷

○勞嗽見血。有勞傷元氣。內火妄動。而傷

肺胃者。亦有勞傷腎水。陰火上炎。而傷肺者。

有因過服天冬。生地黃等寒藥。損陽氣。脾胃

血。

不能生肺氣而不愈者。凡此皆脾胃虛損。而腎水不足。以致虛火上炎。真藏為患也。用五味異功散。加門冬。五味。補脾土。而生肺金。用六味丸滋腎水。

○欬血久而成勞。或成勞而欬血。肌肉消瘦。四肢倦怠。五心煩熱。咽乾頰赤。心中潮熱。盜汗減食。異功散加阿膠。或四君子湯。加黃耆。驚甲。麥冬。五味。

○陰虛火動而欬血。或痰中有血。星如珠者。生料六味丸。加蛤粉。童便。臨卧服。○欬嗽見血。用固本丸。集靈膏。胃虛而大便不實者。瓊玉膏。勞嗽吐紅。上熱下寒。四味鹿茸丸。濟生鹿茸丸。

固本丸 治老人津液俱虧。欬逆便秘。

麥門冬 天門冬 生地黄

熟地黄各八兩 人參四兩

為末。蜜丸。酒下。四錢。熬膏尤宜。食少便滑。禁用。

集靈膏 治久嗽氣血俱虛。不能送痰。即出。

固本丸中。二冬。二地。各十兩。人參六兩。加

枸杞六兩。熬膏。蜜收。如血虛便難。加歸身。脾弱便澹。加白朮。以糖霜代蜜收。

四味鹿茸丸 治肝腎督脈皆虛。欬嗽吐血。脈虛無力。上熱下寒。

鹿茸酥炙另 五味子 當歸各一兩

熟地兩二

右細末。酒和丸。梧桐子大。每服四五十九。空腹溫酒送下。

濟世鹿茸丸 治腎藏真陽久虛。下

體痿弱疼痛。喘嗽水泛為痰。

鹿茸酒炙 牛膝鹽酒炒 五味子各二兩

川棟肉酒蒸 山藥 肉桂

杜仲鹽酒炒 沢瀉鹽水炒 沉香另研

為末。酒糊丸。梧子大。每服七十九。侵晨溫酒下。

○凡類勞嗽者。熱嗽者。脈數煩渴。引飲面赤。潮熱咽喉乾痛。鼻出熱氣。喉壅不清。欬唾稠粘。其痰屢欬而難出。色黃且濃。或帶血。或出血。醒臭。或如蜆肉。或飲水一二口。而暫止者。熱嗽也。火嗽者。無痰而有聲。或痰少。面

色赤。或喉啞痰濃。致喘上壅。出血甚者。七竅
血溢。燥嗽者。乾效。乃燥氣乘肺。氣壅不利。百
節內痛。頭面汗出。寒熱往來。皮膚乾枯燥痰。
痰膠血醒。或連效數十声。痰不出。內傷嗽者。
時嗽時止。其人黃白少神。脈亦虛微。少力。或
得食即緩者。脾虛也。治見各門。

○陰虛不足。相火上炎。肺受火乘。不得下
化。由是津液凝滯。生痰不生血。當用潤劑。
二冬膏。見效嗽。六味丸之類。滋其陰。使上逆
火得返其宅。

○腎虛水泛為痰。凡尺脈浮大。按之則瀦。
氣短有痰。小便赤瀦。足跟作痛。皆腎虛不能
行。濁氣凝聚而為痰。六味丸。加桂附。

○肝腎陰虛。而痰中有血者。六味丸加烏
賊骨。茜根。

○肝經血熱。而痰中有血者。加味道遙散。
去柴胡。煨姜。加童便。藕汁。

○脾中氣滯。而痰中有血者。加味歸脾湯。
去木香。遠志。加牡丹皮。砂仁。

○發熱晝重夜輕。口中無味。為陽虛。午後

發熱。夜半則止。口中知味。為陰虛。至於或晝
或夜。或作或止。不時而發者。此脾胃氣血俱
虛。火氣不寧之證也。腎虛火不歸源。游行於
外。而發熱者。煩渴引飲。面目俱赤。遍舌生刺。
兩唇黑裂。喉間如烟。火上衝。兩足心似烙。痰
涎壅盛。喘急氣促。脈洪大而數。疾無倫。倍之
微弱者。是也。

○每夜身發微熱。病人不覺。早起動作無
事。飲食如常。既無別證可疑。只是血虛陰不
救陽。朝用加味道遙散。暮六味丸。不應。用當
歸補血湯。見內傷。加減八味丸。

○古法云。自汗屬陽虛。盜汗屬陰虛。然自
汗亦有陰虛。盜汗亦有陽虛。陰虛陽必湊。故
發熱自汗。當歸六黃湯。陽虛陰必乘。故發厥
自汗。黃耆建中湯。甚者少加附子。營血不足
自汗。黃耆建中湯。加當歸。甚者加熟地。肺虛
者。固其皮毛。玉屏散。見汗。脾虛者。壯其中氣。
補中益氣湯。心虛者。益其血脈。當歸補血湯。
見內傷。肝虛者。理其疎泄。逍遙散。腎虛者。都
天丸。又痰證。汗自出。痰消汗自止。二陳湯。加

挂枝枳。桔。香附。貝母。血熱盜汗。當歸六黃湯。
見汗為專藥。虛人多加參芪。減芩連。身熱加
地骨皮。肝虛加棗仁。煩心加竹葉。辰砂。麥冬。
脾虛去芩連。加白朮。芍藥。

○虛勞不足。汗出而悶。脈結而心悸。行動
如常。不出百日而危。灸甘艸湯主之。見傷寒

○虛勞精滑無度。或交寅刻夢洩氣。少力

微。日漸瘦削。目視不明者。因房勞太過。督任

不交。不能約制陰火也。陽虛。鹿茸九。龜鹿二

仙膏。陰虛者。六味九。加鯉膠。五味。或聚精九。

見遺精。一分合服。飲食減少。難於起運者。納

氣九。皆兼先後天也。男子精未充滿。色欲過

度。泄出多。有半精半血者。此竭力傷肝。肝傷

不能蓋藏血也。其治不出上法。若夫不遂思

欲。鬱火無制。精為火擾而亡脫者。又當清利

瀉火為主。誤與固斂。其滑愈甚。

龜鹿二仙膏 治督任俱虛精血不足

鹿角膠 一觔

龜版膠 半觔

枸杞 六兩

人參 四兩另

桂圓肉 六兩

右五味。以杞圓煎膏。煉白蜜收。先將二膠酒

浸。煇杞圓膏中候化盡。入人參末。磁罐收貯。

清晨醇酒調服五六錢。

○色欲過度。下元虛備。滑泄不禁。六味九。

加鹿茸。思想傷陰。八味九。去附子。加酒黃蘗。

用心太過。心不攝腎。以致失精。遠志丸。見驚

失精夢遺。亦有因鬱火而得。故壯年火盛。多

有流溢者。滋腎九。如生地黃。茯神。棗仁。菖蒲。

遺精腰痛。六味九。加杜仲。五味子。兔絲子。菴

容。中年以後。還少丹。精。遺。精氣不足。呼吸短

氣。遺精盜汗。濟世鹿茸丸。斷喪太過。滑泄不

禁。兼心脾氣虛。飲食不進者。金瑣玉關丸。見

遺精。去參耆。脾腎俱虛。失道精滑不固者。九

龍丹。見遺精。加草薢。五味子。然不若萃仙丸。

見遺精最妙。

滋腎丸 治陰虛大渴。小便瀉痛。

大補九十分。加知母七分。肉桂一分。滴水

為丸。食前沸湯下。七八十九。

○思慮不遂。心神耗散。日漸發熱。肌肉瘦

削。宜多服逍遙散。後用歸脾湯調理。又有鬱

證發熱喘欬。誤用寒折。致心火滯肺。肺被大

滯。勢不得不奔迫大腸而成泄瀉。慎不可用
 溫補脾胃藥。惟逍遙散。隨證如減。多服乃效
 ○婦人血既滿而失合。男子精未充。思室多
 成此證。婦人則經閉血溢。男子亡血。并宜巽
 順丸。後更與烏骨雞丸。調之。失精并宜巽
 順丸。專調衝任。兼散瘀血。瘀血散後更與烏骨
 雞丸。調之。若誤用苦寒。致脾胃消脫者。不治。
 ○癸婦師尼。所欲不遂。陰陽離絕。鬱火亢
 極。不得發泄而成。失合證者。較之勞更甚。始
 則肝木鬱熱。繼則龍火上煽。致心肺受病。而
 喘嗽煩熱。甚則迫血驟亡者有之。經閉不行
 而吐血者有之。此證宜開鬱降火。增損柴胡
 湯。加味道遙散。選用。陰火亢極。可用滋腎丸。
 玉燭散。先瀉鬱火。後服滋養茶。烏骨雞丸之
 類。若鬱火不泄。血氣不營。而生癰疽者。去生
 遠矣。

逍

逍遙散 治肝氣抑鬱。寒熱效嗽。月事不調。

- 柴胡七分 白朮蜜水拌 茯苓一錢
- 甘草一分 當歸一錢 白芍酒炒一錢
- 陳皮八分乾煎 薄荷五分 煨姜三片

右九味水煎半饑時服

加味道遙散

本方加牡丹皮一錢五分。炒黑山梔一錢。

脾虛食少大便滯。去山梔。易香附。

歸脾湯

治心脾鬱結。經閉發熱。

- 人參 黃耆 茯苓
- 酸棗仁炒研 白朮蒸熟透各 木香
- 甘草五分 桂圓肉各 生姜五分
- 紅棗一錢 遠志 當歸各一

右水煎溫服無時。○加柴胡。山梔。名加味歸脾湯。

增損四物湯

治以陰血虛。寒熱不止。

小柴胡。去黃芩。加川芎。芍藥。陳皮。

玉燭散

治血熱。大便秘結。

四物湯。換生地。加生甘草。酒大黃。玄明粉。生薑。萬全方。無大黃。明粉。易青皮。枳殼。

○虛勞多起於鬱。為勞則其熱內蒸。內蒸則生炎。炎侵蝕藏則效。初起早為杜絕。不致蔓延。若遷延日久。效不止。痰如白沫。色啞。喉痛。不可治。脾胃泄瀉。六脈細數而堅急。久臥床。

禱。煩躁血多者不可治。如六脈平緩重按有神。飲食不減。大肉未消。二便調適者可治。治方見逐按。

○前證脊中熱痛不已。或時淫淫作癢者。皆是瘵爽為患。用桃葉劬許。同艾葉一二兩分二囊盛。以陳酒三觔煮。乘熱慰背脊。膏盲百勞處。不過二三次。與從魄門而下。下後以六味丸。合生脈散調理。傳屍勞瘵亦宜用之。
○勞心思慮。耗散心血。每日有思慮。則心火上乘。必發乾咳。此為神傷。雖服藥難取效。以歸脾湯。加麥冬。五味。作膏蜜收。其本香或減半。或換砂仁。別為細末。離火加入。不時滋養方妙。

○久病虛勞失血。血枯發熱。及女人經閉血枯。四烏鯁一蘆茹丸。或四物湯。換生地。加桃仁。蘇枳。

○吐血成升斗者。花葉石散。然必陽虛不能制陰氣。暴逆者為宜。若氣盛血隨火湧者。誤用必殆。宜十灰散。若胃脘畜血上溢。犀角地黃湯。見傷寒加大黃下逐之。

○吐血初起。多宜大黃下之。失血以下行為順。上行為逆。然亡血虛家。禁下何也。曰大抵宜行者行之。於畜妄之初。禁下者。禁之於妄脫之後。不可不明察也。積勞吐血者。血病之餘。吐血者。吐血多而久不止者。並宜獨參湯。主之氣虛有熱。保元湯。加童便。藕汁。即有血亦無礙。一切失血。或血虛煩渴。躁熱不寧。五心煩熱。聖愈湯。血證既久。古人以胃藥收功。異功散。加丹皮。山茶。沃瀉。效嗽。更加葳蕤。此虛家神劑。

四烏鯁一蘆茹丸 治氣竭肝傷。脫血血枯。婦人血枯經閉。丈夫陰痿精傷。

烏鯁四兩即烏賊骨 蘆茹一兩即茜根
丸以雀卵。大如小豆。以四五丸為後飯。飲以鮑魚汁。利腸中及傷肝也。

花葉石散 治氣虛血凝。瘵積壅聚。胸膈作痛。宜用重劑。竭之。

花葉石 五兩。碎。產硫黃山中。狀如黃石。中皆以為瑤。如花葉者。偽。試真。硫黃二。偽。煨。過。置。血。上。血。即。化。永。者。真。石。硫。黃。二。右二味。同入煬成確內。鹽泥封固。煨一伏時。

如麪。每用二錢。食遠童便調服。婦人產後。血逆。血暈。胞衣不下。或子死腹中。俱宜服之。瘀血化為黃水。然後以獨參湯調之。

十灰散 治虛勞吐血咯血。先用此過之。

大蓴 小蓴 栝葉

薄荷 茜根 芎藭

山梔 大黃 牡丹皮

櫻攔等分

各燒灰存性。紙裹蓋地上一夕。食遠服二三錢。童便調下。

聖愈湯 治失血過多。久瘡潰膿。

保元湯。去甘艸。如生地。熟地。川芎。當歸。

○凡失血。無論衄血。出於經。欬血。出於心。嗽血。出於肺。嘔血。出於肝。唾血。出於脾。但以色紫黑者。為瘀積久血。色鮮紅者。為暴傷新血。色淡清者。為氣虛狹痰。總屬火炎沸騰。故治以降火下行為首務。不可驟用酸寒收斂。使瘀積發熱轉增上。先用瑞金丹。次用童真丸。引血與火下行最速。若血赤吐出。即凝別起成片。此守藏之血。因真陰受傷而脫。雖能食

倍常。必驟脫而死。若吐淡紅如肉如肺者。謂之欬白。此肺胃并傷。雖歷歲月。終不救。

瑞金丹 治虛勞吐血瘀血者。

川大黃酒拌炒黑至黃烟起為度 真秋石各一兩

右并為細末。煮紅棗為丸。小豆大。空腹薄苛湯下二錢。痰在心包絡。不時驚悸。面赤神昏者。加鬱金三錢。痰在胃吐血成盆者。犀角地黃湯。

童真丸 治虛勞吐血。氣虛喘嗽。

真秋石 川貝母去心

烏骨雞丸 治婦人倒血溢於上。蒸熱欬嗽。不除。及男子精未充而御女。而成虛勞失血。

烏骨白絲毛雞一隻男雌女雄 北五味一兩

熟地黃四兩如血熱加生地黃二兩

右二味。入雞腹內。用陳酒酒釀童便於砂鍋中煮。如巽順丸。

巽順丸 前症並選用

烏骨白絲毛雞一隻男雌女雄 取嫩長者。肥肝去穢。留內金并。烏鰾骨童便浸曬乾。去腸垢。仍入腹內。

取淨 茄蘆去梢酒洗切片 鮑魚切薄片

右三味入雞腹內用陳酒童便各二碗水數

碗砂鍋中旋煮旋添糜爛汁盡擣爛焙乾骨

用酥炙共為細末乾山茶末調糊為丸梧子

大每服五七十九空心百勞水下百勞水見

○若血色晦淡不鮮無論上吐下失但當用

溫熱之劑如甘艸乾姜湯溫利中氣切禁寒

涼若至衄血難已寸關雖弱而尺中微弦為

陰虛以防午後陰火上升上午宜服獨參湯

以統其血午後與六味丸加童便午膝以濟

其陰

○嘔血者 血從腹脇而上大嘔而出竭力

房勞傷肝其證面赤足冷煩躁口渴生脈散

合加減八味丸陽衰不能內守而嘔血者異

功散研服六味丸加桂附房室勞憊氣竭傷

肝而有乾血四烏鯁一蘆茹丸

○唾血者 平時唾中有血如絲或浮散者

此屬思慮傷脾脾虛不能統血也有兼心兼

腎兼胃之不同兼心加味歸脾湯兼腎六味

丸加五味肉桂兼胃四君子湯加黃芪山萆

粟米名七珍散食少痰清者異功散加枇杷

葉白扁豆胃中痰食不清吐血加更半夏生

姜即白扁豆散

○咯血者 不嗽而喉中咯出小塊或血點

是蓋緣房勞傷腎陰火載血上亦有兼痰而

出者腎虛水泛為痰也陰虛多火黑瘦人最

忌犯此初起宜紫苑麥門冬茯苓酸棗仁山

萆白芍茶丹皮童便以清手足少陽厥陰諸

經激散之火後以六味丸加牛膝滋補腎陰

以安其血慎不可用攻血之藥也

○衄血不止 熱在下焦血分六味丸加五

味子湯見失血不効加童便又有先因衄血

衄止變生諸證寒熱間作或喘急無寐病狀

不一漸成勞憊當成虛損治之

○陰虛多火人 偶感客邪其蒸熱欬嗽雖

異平時然察其脈不能便顯浮緊之象但較

平時必然稍旺小建中湯加牡丹皮

○酒色過度 虛勞少血津液內耗心火自

炎致令燥熱乘肺絡膿血上氣潮涎其嗽連

俛不已加邪客皮毛入傷於肺而自背得之

尤速當與多甘艸湯。見傷寒黃芪建中湯。
○因飲食過度者。亦宜暫停補藥。以觀其
勢。惟積實理中湯。甘艸乾姜湯。分別本元所
停多少。而裁用之也。

白鳳膏

若少年稟氣不足。因飲食饑

飽所傷。致成虛損。日晡潮熱。形體羸弱。腹脹
氣急。脈來弦數者。主之。

平胃散四兩。加參。苓。各一兩。京棗四兩。去
核。逐一填入前棊。入烏嘴白鴨腹內。男雌
女雄。製法如烏骨雞丸。

○虛損脈浮大者。屬陽虛。細數者。屬陰虛。芤
為失血。若兩手俱芤。而中有一部獨弦者。為
有瘀畜未。盡當散瘀為先。不可驟補。若見數
大者。為火旺。必難治。若見濇脈來至者。亦不
可治。○尺中弦強者。必因房室發熱。
脫方

十全大補湯

治營衛氣血俱虛。

保元湯。加白朮。茯苓。熟地。當歸。川芎。白芍。
肉桂。

八物湯

治營衛俱虛。畏寒發熱。

四物湯。加黃耆。白朮。茯苓。甘草。

八珍湯。有人參。專補藏府元氣。八物湯。黃耆。
惟司營衛開闔也。

人參養營湯

治心脾虛寒。

保元湯。加白朮。茯苓。橘皮。熟地。當歸。芍藥。
肉桂。遠志肉。五味子。

安腎丸。治腎虛風燥。下體痿弱。疼痛不能起
立者。

肉桂。川烏頭炮各一兩。白蒺藜炒去刺。

巴戟去骨。薯蕷蒸汁。茯苓。

石解酒炒。川草薢炒。白朮。

肉苁蓉酒浸去腐。補骨脂炒各四兩。

為末。煉蜜丸。梧子大。每服七十九。空服。鹽湯。
溫酒下。

十一味附子湯

治勞瘵發寒如瘧。先寒後熱。

氣血衰極。

當歸。山萸。白朮。陳皮。白芍。

熟地。黃蘗炒。知母炒各一兩。肉桂。

川芎各五分。熟附子三片。

右生姜三片。棗二枚。煎空心服。

痰飲

在脾經名曰溼痰。脈緩面黃。肢體沉重。嗜臥不收。腹脹。食滯其痰滑而易出。二陳湯加枳朮。挾虛。六君子湯。酒傷加白豆蔻。乾葛。

二陳湯 治脾胃溼痰。

半夏姜製二錢半

茯苓三錢

陳皮一錢

甘草錢一

生姜三片

烏梅半個

右六味水煎。

六君子湯 治胃虛少食。痰嗽嘔泄。

四君子湯加橘皮。半夏。生姜。

○溼痰積於脇下。隱隱作痛。天陰疼較更甚。輕則二陳湯加白芥子。重則控涎丹。緩之。

控涎丹 治脇下積痰作痛。

大戟

甘遂

白芥子各等分

為末。麴糊丸。服十五丸。至二十九。驚痰加硃砂。酒痰加雄黃。全蝎。驚氣成塊者加穿山甲。延胡索。莪朮。臂痛加桂枝。姜黃。痰嗽加風化硝。寒痰加丁香。肉桂。胡椒。

○濕痰痞塞。胸中不快。氣不宜通。及痰火吐。

痰不見血者。沉香化滯丸。

沉香化滯丸

半夏八兩

兩用姜汁一大盞製

黃連二兩

木香一兩

沉香一兩

為細末。甘草湯泛為丸。空心淡姜湯下。二錢。

○肥盛多溼人。痰溼膠固於中外。動則喘滿。眩暈者。運痰丸。

運痰丸 治脾虛熱痰堵塞。膈氣不舒。

沉香化痰丸半料。合四君。參朮。茯苓。各三兩。甘草一兩。

○脾肺氣虛。不能運化。而有痰者。六君子湯加木香。肺胃虛不能清化者加桔梗。脾氣虛而生痰者。理中丸。見傷寒加半夏。茯苓。

○脈來細弱。滑或緩。痰涎清薄。身體倦怠。手足痰軟。此脾虛挾溼。六君子加炮姜。或補中益氣湯加茯苓。半夏。然痰病須辨有火無火。

無火者。純是清水。有火者。中有重濁。白沫。

○脈濡緩。身體倦怠。體厚人屬溼。二陳湯加生朮。菴活。

○在肺經者。名曰燥痰。又名氣痰。脈瀦面白。

氣上喘促。灑淅寒熱。悲愁不樂。其痰瀯難出。利金湯。去枳殼。加葶藶。姜用蜜煎。

利金湯

治肺燥。瀯不利而效。

桔梗湯。加枳殼。細辛。防風。葛根。生姜。紅棗。○在肝經者。名曰風痰。脈弦。面青。肢股滿。悶。便溺秘瀯。時有躁怒。其痰清而多泡。十味導痰湯。用漿水煎。甚則千縉湯。

十味導痰湯

治痰上盛。頭目不清。

導痰湯。加羌活。天麻。蠅尾。臨服。入雄黃少許。

千縉湯

治風痰喘急。脈證俱實。

半夏七枚

甘草一斗

生姜指大切

皂莢去皮弦子。酥炙。淨末。一兩。

水煎溫服

○在心經者。名曰熱痰。脈洪。面赤。煩熱。心痛。口乾。唇燥。時多喜笑。痰堅而成塊。涼膈散。見熱病。加苓。半。下之。○膈上熱痰。痞悶。小陷胸湯。見傷寒。○熱痰在膈上。瀉亦不去。必用吐膠。固稠濁。非吐不開。浮滑宜吐。脈瀯。年高。虛。以不可吐。

○在腎經者。名曰寒痰。脈沉。面黑。小便急。

痛。足寒而逆。心多恐怖。其痰有黑點多稀。桂苓丸。加沢瀉。車前子。○腎虛水泛為痰。八味丸。○腎虛不能納氣。喘源。出而不納。則為積滯。積滯不散。則痰生。八味丸。○老人腎虛水泛為痰。上湧者。八味丸。以攝之。不應真武湯。見傷寒。○凡尺脈浮大。按之則瀯。氣短有痰。小便赤瀯。足跟作痛。皆腎虛不能行。濁氣凝聚。而為痰也。腎氣丸。○腎虛水泛為痰。有用腎氣丸。屢未得効。方中減地黃。山茱萸。加菖蒲。沉香。開通其氣。自効。私曰。腎虛火不歸源。宜參看熱門。

桂苓丸。治腎氣上逆。水泛為痰。逆衝膈上。及

冒暑煩渴。飲水過多。腹脹小便不利。

桂一兩 茯苓二兩

為末。蜜丸。下二錢。日三服。桂苓湯名。

○其人素盛。今瘦。水走腸間。漉漉有聲。名曰

曰痰飲。心下冷極。

桂苓朮甘湯。治心下支飲。脇腹支滿。目眩。

桂枝湯。去芍藥。大棗。生姜。加茯苓。白朮二

錢。

○飲後水流。在脇下。致唾引痛。名曰懸飲。

○飲水流四肢。當可汗。不汗。身體疼重。曰溢飲。經所謂。溢飲。渴暴多飲。溢入肌膚腸胃之外也。小青龍湯見傷寒。

○欬逆倚息。短氣不得卧。其形如腫。名曰支飲。五苓散。沃瀉湯。利之。

澤瀉湯

治支飲眩冒。

五苓散。去猪苓。茯苓。桂。

○膈滿嘔吐。喘欬寒熱。腰背痛。目淚出。其人振振惡寒。身潤惕者。名曰伏飲。倍朮丸。加茯苓。半夏。

倍朮丸

治五飲留伏。腹中鳴轉。淥淥有音。

白朮

薑汁拌

乾姜

炮

肉桂

各一兩

神麴糊丸。每服五七十九。食前淡姜湯下。

○一種非痰。非飲。時吐白沫。不甚稠粘者。此脾虛。不能約束津液。故涎沫自出。宜六君子湯。加炮姜。益智。以攝之。

右五痰。五飲。

○凡人身中。有塊。不癢。不痛。或作麻木。名曰

敗痰失道。隨虛處。用茶消之。

○忽患手足。胸背。頭項。腰膝。疼痛不可忍。及連筋骨。牽引吊痛。坐卧不安。走易不定。頭疼困倦。手足重墜。痺冷脈伏。此乃涎飲。頑痰。伏在心胸上下。發為此疾。非風非毒。導痰湯。加羌活。防風。白芷。姜汁。竹瀝。

導痰湯

治濕痰。內外壅盛。

二陳湯。加南星。枳實。

○痰飲流入四肢。令人肩背痠痛。兩手軟痺。若誤以為風。則非其治。導痰湯。加姜黃。木香。不應加桂枝。以和營氣。

指迷茯苓丸

治中脘留伏。痰飲臂痛。難舉。手足不能轉移。背上凜々。畏寒者。

半夏

二兩

枳殼

風化硝

各半兩 姜汁調

神麴糊丸。梧子大。每服三五十丸。空心淡姜湯下。

○痰火相煽於膈上。胸中時覺痞滿。眩暈。或目齒疼。飲食後稍覺快爽。少間復加迷悶。大便或結。或瀉。小便或赤。或清。此皆痰飲。或

開或聚之故治宜健脾以運痰清肺以潤燥六君子加蘇子瓜蒌姜汁竹瀝之類

滾痰丸 治痰火盛焦氣盛喘息有時能食有時不能食或周身走痛飽悶痞脹

青礞石 色青者良三兩同煅硝三合入煨成礞內赤石脂封護煨過水淨

為末水泛為丸茶豆大每服一錢至二錢食遠沸湯下原方礞石一兩沉香壯實體厚人可用姜汁竹瀝下後用理行氣調理

青礞石丸 治老痰積於胸膈作痞或流滯於

經絡四肢者

青礞石 五兩

半夏 一兩

風化硝 三錢

白朮 生一兩

橘紅 五錢

茯苓 八錢

黃芩 四錢

神麴糊丸 空心淡姜湯下二錢

消痰餅子 治老痰不化喉中常覺哽塞咯之不出者

括蕒仁 聖去油取霜

連翹

風化硝 等分

先用生姜自然汁少許拌加煉白蜜丸彈子大不時噙化一丸

○喉中有物咯不出嚥不下或作刺痛此鬱痰四七湯見氣脈篇者卒難得開必費調理

○眼黑而行步呻吟舉動艱難者痰入骨也非川草薺苦參不能除其病遍體骨節痛

審氣血加化痰茶

○病人久虛內有宿積痰飲用參朮久乃吐出臭痰或綠色痰者難治蓋積之既久而脾胃虛熱不運且積熱故鬱臭耳急用二陳

加枳殼黃連竹瀝煎可十全一二肺癰臭痰不此例

○痰飲結聚腹脹之間有類積聚但按之不甚堅而時々口吐涎沫者六君子合五苓

加枳實

○脈沉滯或滑證兼惡心心下飽悶屬鬱痰宜開鬱行氣

○脈滑見於右關時常惡心吐清水痞塞就吐中以鵝翎探之

○痰在經絡中非吐不可吐中就有痰散之意須升提其氣乃吐如瓜蒂防風川芎括梗芽茶蘆汁之類暗明時於不通風處以布

緊勒其肚乃吐。

○內傷中氣虛而有痰。必用參朮佐以姜汁。傳送甚者。加竹瀝。○脾氣宜清中氣以運痰。使之下行。六君子湯。加枳朮。兼用升柴。以提清氣。

○陰虛不足。相火上炎。肺受火乘。不得下化。由是津液凝滯。生痰不生血。當用潤劑。如二冬膏。六味丸之類。滋其陰。使上逆之火得返。其宅而息。則痰自消。投以二陳等。立見其殆。瘦人多此。

外臺茯苓飲

心胸中有寒痰宿水。自吐出。後。心胸間。虛氣滿。不能食。

四君子湯。去甘草。加枳實。橘皮。生薑。

○寒涎沃膽。時吐痰水。不得眠。或時眩暈。溫膽湯。見不得卧。多驚。加蠅尾。

小半夏茯苓湯

治平居無事。但痰有數口。或清。或堅。不應加人參。以建胃。則痰自不生。

半夏 茯苓 各等分

每服五錢。水一盞半。姜五片。煎七分。不拘時。溫服。

○痰挾死血。隨氣攻注。流走刺痛。有時得熱止。有時得熱轉劇。控涎丹。加胡椒。蠅尾。木香。陵鯉甲。病定時。局方七氣湯。見氣與六君子湯。並加竹瀝。相間服之。

○脾中氣滯而。痰中有血者。加味歸脾湯。

去木香。遠志。加牡丹。砂仁。

○肝經血熱。而痰中有血者。加味道遙散。

去柴胡。煨姜。加童便。藕汁。

○肝腎陰虛。而痰中有血者。六味丸。加烏

鱈骨。茜根。

○若過服寒茶。唾痰有血者。異功散。加炮姜。

○痰在膈間。使人顛狂健忘。四肢偏枯。及

類中風痰。俱用竹瀝。

○痰在腸胃。可下而愈。枳實。大黃。芒硝之

類。

○痰在股下。非白芥子。不能達。痰在四肢。

及皮裏膜外。非竹瀝。姜汁。不行。二味。治陰虛

有痰。大有奇驗。但食少。脾胃不實者。不可輕

用。其寒滑。能走大便也。枳實。能衝牆倒壁。黃

芩。花粉。大降膈上熱痰。然能鬱遏火邪。傷損

中氣脾虛寒及在外感者切忌

○大凡痰飲變生諸證以治痰飲為先飲消諸證自愈如頭風眉稜骨痛累用風茶不効投以痰劑收功如患眼赤羞明而痛與涼劑茶弗膠界以痰劑獲効凡此類不一而足散在各門

甘遂半夏湯

治病者脈伏自利反快而渴雖利心下續堅滿此為留飲欲去故也

甘遂大者三枚

半夏十二枚姜湯包去涎水

芍藥半枚

甘草如指大一枚炙

右四味水煎去滓以蜜半杯和服

木防已湯

治支飲心下痞堅脈沈面黑吐下不愈者

木防已三錢

石膏雞子大

桂枝二錢

人參四錢

水煎去石膏加茯苓芒硝各四錢名木防已去石膏加茯苓芒硝湯

瓜蒌枳實湯

治痰結咯吐不出胸膈作痛不能轉側或痰結胸膈滿悶作寒熱并痰迷心竅不能言語者○愚曰脈洪滑者宜之

瓜蒌

枳實

桔梗

茯苓

貝母

陳皮

黃芩

山梔各一錢

當歸六分

砂仁

木香各五分

甘草三分

生姜煎入竹瀝姜汁以許○此方不可欠竹瀝姜汁

壽星杏湯

治痰積疝氣上衝不食胸痞氣急及急死

壽星杏

右核實俱剉煎服急證即効

咳嗽

感風者鼻塞色重傷冷者清凄怯寒按熱為焦煩受溼纏綿瘀血則膈間腥悶停水則心下怔忡或實或虛痰之黃白唾之稠粘從可知也

○風嗽者脈浮自汗頭痛痰涎不利或身體發熱鼻塞色重或鼻流清涕欲語未竟而效桂枝湯見傷寒加香豉細辛然火嗽亦有鼻流清涕語未竟而效者但風則一嗽便多

稠痰火則頸效無痰。

○入房汗出。中風嗽而面赤。內經謂之內風。脈浮小青龍湯。見傷寒。脈沉緊真武湯。

○飲酒中風多汗而嗽。謂之漏風。桂枝湯。加沃瀉。白朮。麻黃根。

○寒嗽者。脈緊。惡寒發熱。無汗。鼻塞。身痛。煩躁。嗽急而喘。遇寒則效。內有鬱熱。痰結也。華蓋散。兼喘。九寶湯。

華蓋散 治肺受風寒。效嗽。色重。煩滿昏眩。脈浮數。

麻黃

杏仁各一

甘草五分

蘓子

茯苓

橘皮

桑白各一

生姜二片

紅棗一枚

水煎。

九寶湯

治經年久嗽不愈。脈浮起於外。感者。麻黃湯。加紫蘓。薄荷。橘紅。桑白皮。大腹皮。等分。生姜。烏梅。半箇。

○冬月嗽而發寒熱。謂之寒嗽。小青龍湯。加杏仁。暴感風寒。二氣相兼而效嗽。鼻塞。色重者。芎蘇散。見感冒。

○肺感風寒。效嗽倚息不得卧。背寒則嗽甚。小青龍湯。桂苓五味甘草湯。選用。

桂苓五味甘草湯

治效逆氣從小腹上衝。

桂枝

五味子二

茯苓各四

甘草三

○感風咳嗽。已經散後。其表虛復感。虛邪相乘。又為喘嗽。若欲散風則愈。虛其肺。收儉則愈。滯其邪。當先輕解。漸收儉之。不致虛邪。不致滯效。嗽自止。

○熱嗽者。脈數。煩渴引飲。喘急面赤。潮熱咽乾。乾痛。鼻出熱氣。喉色不清。效唾稠粘。其痰屢效而難出。色黃且濃。或帶血。或出血。醒鼻或堅如蜆肉。不若風寒之嗽。痰清而白也。葢難湯。見感冒。風熱相兼。加減。葱白。香豉湯。見感冒。

○先傷風。效嗽未除。更傷熱而效嗽。色嘶者。為熱包寒。葢難湯加減。

○熱嗽失音。多服寒劑。色愈不出者。古今錄驗續命湯。見中風。發之。輕則消風散。去。羶。

蚕、蟬脫。加桔梗、薄荷。以生姜汁調服。冷熱嗽失音尤宜。

消風散 治風致嗽。遍身疥癩。小兒痘疹餘熱。

川芎 羌活 防風

荊芥 藿香 人參

茯苓 姜蚕 蟬脫等分

甘草炙 陳皮 厚朴姜製減半

右十二味。為散。每服三四錢。茶清調下。或水煎。

紫苑膏 肺熱頻嗽。肌層灼熱。面赤如醉者。此湯主之。

紫苑草二兩 紫苑花一兩 杏仁

枇杷炙 木通 桑白蜜炙

大黃酒各半兩

熬膏蜜收。不時噲化一二匙。中病即止。不可過服。久嗽去杏仁。大黃煎成。加童便半盞。

○凡咳嗽面赤。胸腹股常熱。惟手足乍有涼時。其脈洪者。熱痰在膈上。小陷胸湯。見傷寒

○熱移於下。便泄瀉無度。

○凡飲水一二口。而暫止者。熱嗽也。

○夏月嗽而發熱者。小柴胡湯。加石膏。知母。但手足心熱。而不發熱者。瀉白散。加橘皮。桔梗。不應。涼膈散。見熱病去硝黃。加葳蕤。

瀉白散 治肺熱咳嗽。手足心熱。

桑白各一兩 地骨皮各一兩 甘草炙五錢

為散。每服四五錢。入粳米百粒。竹葉一把。水煎。

加桔梗。橘皮。名加味瀉白散。有熱。更加知母。黃芩。有客邪禁用。

○冷熱嗽者。因增減衣裳。寒熱俱感。遇寒熱亦嗽。脈浮風重。金沸草散。見感冒。脈數或瀉。熱重葳蕤湯。見感冒。去川芎。加香豉三錢。

○火嗽者。咳嗽喉啞。痰濃。致喘。上壅。出血。甚者。七竅血溢。

○效。謂無痰而有色。肺受火燥也。嗽是有色。而有痰。脾受濕傷也。

○火者有聲。痰少面赤者。是也。

○火嗽便秘。涼膈散。加桔梗。

○效。而無痰者。以辛甘。潤其肺。蜜煎姜。橘。蜜燒連皮胡桃。虛人。觀音應夢散。

○效。而無痰者。以辛甘。潤其肺。蜜煎姜。橘。蜜燒連皮胡桃。虛人。觀音應夢散。

○效。而無痰者。以辛甘。潤其肺。蜜煎姜。橘。蜜燒連皮胡桃。虛人。觀音應夢散。

○效。而無痰者。以辛甘。潤其肺。蜜煎姜。橘。蜜燒連皮胡桃。虛人。觀音應夢散。

○效。而無痰者。以辛甘。潤其肺。蜜煎姜。橘。蜜燒連皮胡桃。虛人。觀音應夢散。

○效。而無痰者。以辛甘。潤其肺。蜜煎姜。橘。蜜燒連皮胡桃。虛人。觀音應夢散。

○效。而無痰者。以辛甘。潤其肺。蜜煎姜。橘。蜜燒連皮胡桃。虛人。觀音應夢散。

○效。而無痰者。以辛甘。潤其肺。蜜煎姜。橘。蜜燒連皮胡桃。虛人。觀音應夢散。

觀音應夢散

人參

蜜燒胡桃

右煎服。

○上半日嗽多屬有火。竹葉石膏湯。見暑降泄之。胃氣虛者。補中益氣湯。見內傷。或五味異功散。見虛損。並加山梔子。

○效嗽痛引肩背。雖久不已。不可誤認為虛。此屬三焦鬱火。加味逍遙散。見虛損。濁痰加味導痰湯。見痰如效而服痛。宜疎肝散。見吐血。枳殼煮散。見服痛。或去川芎。加青皮。柴胡。香附。姜汁之屬。肥盛氣實。二陳湯。痰飲加白芥子。

○效嗽痰中見血。而脈細者。此火邪傷血分也。歸脾湯。見虛損。若痰中少血。或血絲此肝血傷也。補中益氣湯。去升麻。加白芍。牡丹。○燥嗽者。乾咳乃燥氣乘肺。氣壅不利。百節內痛。頭面汗出。寒熱往來。皮膚乾枯。燥癢。大便秘。痰膠血腥。屬鬱火證。乃痰鬱火邪在肺。先用逍遙散。加苦桔。以開之。後用六味丸。見虛損。加五味。不已則成勞。此證不得志者有之。

○有連效數十邑。痰不出者。肺燥勝而痰瀋也。以甘寒。閉其肺。

○深秋傷熱。效嗽而洒淅惡寒。發熱者。千金麥門冬湯。見燥。但嗽無寒熱。痰不得出。極力略之。乃得一絲粘痰者。千金五味子湯。見燥。

○溼嗽者。脈細而緩。身體重著。骨節疼煩。或自汗小便不利。面腫喘急。麻黃加朮湯。見濕。○有一嗽痰即出者。脾濕勝而痰滑也。以辛平。燥其脾。

○形盛脈緩。體重嗜卧之人。效者脾濕勝也。二陳湯。加防己。黃耆。白朮之類。兼食積痰垢。壅塞不利者。千縉湯。蕩滌之。兼食痰氣。蘊釀火邪者。二陳湯。加枳朮。黃連。消導之。

○陰虛咳嗽。并因一切虛損者。見虛損門。○內傷氣虛。不能上輸於肺。而時嗽時止。其人黃白。少神。脈亦虛微。少力。補中益氣湯。去升麻。加煨葛根。麥冬。五味。或兼腎水不足。前湯送下。都炆丸。見虛損。

○嗽而得食即緩者。脾虛也。異功散有痰六君子湯。

○形寒飲冷。咳嗽兼腹痛。脈弦者。小建中湯。加桔梗。以提肺氣之陷。寒熱自汗。加黃芪。

○效嗽面白悲噎。或吐白痰白沫。屬肺胃虛寒。若胸腹逆滿。牽引背痛。心腹冷痛。飲食即吐者。溫肺湯。

溫肺湯

治肺胃虛寒。喘嗽嘔逆。大便不實。

局方七氣湯。加橘紅。乾姜。木香。鐘乳。○局方去人參。木香。鐘乳。加細辛。杏仁。芍藥。五味子。

○口甘涎沫流。脈沉弦而細。屬中寒。口出清水。心下汪洋。作嘈雜。胸膈脹痛不足。屬冷飲。停胃中。攻肺則效。半夏溫肺湯。

局方七氣湯。加橘紅。茯苓。細辛。桔梗。旋覆花。白芍藥。

○喘嗽脈沉畏寒。生料濟生腎氣丸煎服。見虛損。

○嗽而色暗氣乏。寒從背起。口中如含冰雪。甚則吐血。此肺氣虛不足。胃氣虛寒也。千

金溫肺湯

千金溫肺湯

治肺受寒而喘嗽。

局方七氣湯。加橘紅。木香。桑白。紫蘊。茯苓。白朮。五味子。冬月更加不去節麻黃三分。○嗽而色啞脈細者。屬寒。半夏生薑細辛以散之。

○七情饑飽嗽。動轉藏府正氣。邪上逆。結成痰涎。肺道不利。四七湯。見氣加杏仁。五味人參。阿膠。

○前後心脹。喉中有血腥。氣口脈瀼。此膈間有畜血也。試法。法伸熱姜湯。作呃者。瘀血也。犀角地黄湯。見傷寒加童便。桃仁。大黃。攻散之。或平胃散。見傷寒合越鞠丸。見葷加薑汁。童便。消伐之。

○氣竭肝傷。而效嗽血腥者。四烏一蘆丸。見虛損

○內傷痰積在胃。不時吐血者。其人面色枯而滯。脈多弦濇。先與百勞丸去痰。後用異功散。六君子。調補。
○壅嗽。色重痰稠。或效有血。以薄芎。生胡

麻各一撮細嚼蘇子降氣湯送下。

○兼停飲食而效。須用消化之方。不可用烏梅粟殼酸瀝其寒邪宜用發散之劑。不可用補藥。

○食積痰嗽發熱。其人面青白黃色不常。

面上黃紋痕者。二陳湯加香附枳殼麩藥。

○食積發熱加姜炒黃連停寒食作嗽加炮姜。

○五更嗽甚者。胃中有食積也。二陳湯加枳實川連以道導之。虛者六君子加姜汁炒

川連。

改定紫菀茸湯。治飲冷熱酒傷肺致嗽。名謂

之溼肺。或兼煎煇傷胃。效嗽咽癢痰多唾血喘急。服痛不得安卧。

紫茸 薇銜 白朮

沢瀉各一錢 牡丹 麥冬各半錢

犀角八分 甘艸各三分 藕汁半盃

右九味水煎食遠服。○瘦人多火。忌用燥茶。

去白朮易白芍藥一錢。兼傷肉食胸膈膨脹。

去犀角芍藥加炮黑山檀肉三錢炒枳實一

錢。

○效嗽嘔吐。并為肺胃俱病。先安胃氣。二

陳加蘆根姜汁姜製枇杷葉。虛者六君子加

桔梗。

○效嗽吐痰。與食俱出者。此飲食失節脾

氣不利清濁相干。二陳加枳朮杏仁細辛。

○效而無色者。肺氣傷而不清。乃痰鬱火邪

在中。不能上出。此肺燥也。桔梗湯。見傷寒加

貝母。歲鞋。蜜炙枇杷葉。

○久嗽色蠟者。用生地黄煎。取辛以潤之。

生地黄煎。見燥。

○效嗽色啞。氣促滿悶。語色不出者。心包火

盛而肺氣受傷也。用千金地黃煎。見燥。

○色蠟。雖云金實不鳴。久嗽枯槁是當清

潤為主。實則二陳枳薄。歲鞋。蜜煎姜橘之類。

虛則生脈。數冬竹茹。亦加蜜煎姜橘。又當詳

形氣之肥瘠。時令之寒暄。而為施治。

○色啞。須分暴久。暴多寒鬱熱邪。而肺絡

壅塞。麻黃杏仁甘草石膏茯苓半夏姜橘等

隨微甚。以搜滌之。久多熱傷肺痿。而真氣受

傷。異功保元生脈以培養之。

○若風熱心煩。效喘便秘。脾胃熱壅。食不下者。千金地黃煎主之。
 ○喘效失血。色啞。食少便泄者。不治。
 ○久嗽之人。發散清肺。俱不應。胸膈不利。效唾膿血。坐臥不寧。語言不出者。將成肺痿之候也。紫苑散主之。

紫苑散

治效唾有血。虛勞肺痿。

紫茸

人參各二

麥冬

桔梗

茯苓

阿膠

貝母各一

五味

甘草各五

為散。每服五錢。水煎。

○治嗽須分新久虛實。如久嗽脈弱。或雖洪大按之不鼓。屬肺虛。宜門冬。五味子。款冬。紫苑之類。斂而補之。

○便溺如常。飲食不妨。而效嗽不安。或兼血腥。年久不愈者。此肺胃虛熱也。異功散。加丹皮。山茱。

○經年累月。久嗽不差。無他證。此是風寒客邪。伏肺胃也。與勞嗽不同。三拗湯。佐以千縉湯。瘦人多火。禁用。

三拗湯

治風寒傷肺。而誤行斂肺。而壅嗽喘急。

麻黃湯。去桂枝。用麻黃節不去。甘草。生杏仁。

連皮等分。更加桔梗。荊芥。名加味三拗湯。

○暴嗽諸藥不効。服生料鹿茸丸。見虛損即愈。此乃腎虛所致也。

○若饑時胸中大痛。面上有白點如粉。咽喉或癢或痛。而效不可忍。脈虛數。或忽大忽小。此必肺中有寸白蟲。上求食。痛嗽不寧也。

一味百部膏。略加檳榔。烏梅。

一味百部膏

百部一味。煎熬而為膏。

○水腫脈浮自汗。喘嗽便秘。小青龍湯。加葶藶。木香。

○胸背強戾。但可仰臥而不能俯。目睛反戾。半開不動。不能視物。涕從口中。若鼻中出其色青黃如膿。大如彈丸。惡風振寒。不急治。則傷肺而死矣。

射干麻黃湯。治效而上氣。喉中水雞聲。

射干

射干三錢

麻黃去節四錢

細辛一錢

紫苑

款冬各三

五味子一錢

咳嗽

半夏三錢

生姜四錢

大棗二枚

百七十三

先煮麻黃。去上沫。內諸藥。湯成去滓。溫分三服。

厚朴麻黃湯

治欬而脈浮上氣胸滿喉中不利。如水雞色。

厚朴半兩

麻黃四錢

石膏雞子大碎

杏仁去皮尖

五味子半錢

小麥一兩

半夏洗半

乾姜二錢

細辛一錢

先煮小麥去滓。內諸藥。湯成去滓。分溫三服。

沢漆湯

治欬而脈沈上氣咽喉不利。

沢漆一兩

白前

紫參如無紫苑代之

半夏洗各

桂枝

人參

甘草

黃芩各二

生姜四片

右九味。先煮沢漆去滓。內諸藥。湯成去滓。溫服。

麥門冬湯

治火熱乘肺。欬唾有血。

麥門一兩

半夏洗

人參一錢

甘草炙六

粳米半合

大棗四枚

右六味。水煎。溫服。日三夜一服。

補肺湯

治肺胃虛寒。欬嗽。

五味一錢

乾姜

桂心

數冬

麥冬各三

桑白姜汁和蜜炙

水煎。溫分三服。

二冬膏

治肺胃燥熱。痰瀆。欬嗽。

天門冬去心

麥門冬去心

右二味。熬膏。白蜜收。不時噲熱。嚥之。

咳附方

貝母湯

治諸嗽久不差。

貝母姜製

黃芩生

乾姜生

陳皮

五味子各一兩

桑白蜜製

半夏

柴胡

桂心各半兩

木香

甘艸各一分

右為粗末。每服五錢。杏仁七箇。生姜七片。水煎。熱服。

清肺湯

治一切咳嗽。上焦痰盛。是火傷肺。金也。

黃芩一錢

桔梗

茯苓

陳皮

貝母

桑白各一

當歸

山梔

天門冬

杏仁

麥門冬各七分

五味子七分

甘草三分

右劉劑。生姜。杏仁煎。食後服。
一方 治感冒解後咳獨不止。

陳皮

半夏

茯苓

香附

桔梗

前胡

杏仁

桑白

蘇子

甘草

右生姜水煎。

補中益氣湯

治前症諸藥不効。加麻黃即効。

解熱化痰湯

治咳嗽失色。

蘇子

白芥子

枳實

黃連

黃芩

黃柏

瓜蒌仁

石膏

杏仁

烏梅

生姜

右水煎。

沉香化滯丸

飲食門 治過酒咳嗽不止

沉香 五錢

莪朮 三兩

香附

陳皮 各二兩

木香

砂仁

藿香

麥芽

神麴

甘草 各一兩

一方 治夜嗽。

四物湯。加黃連、黃柏。

一方 治產後咳嗽。

參苓白朮散

妙方 治蟲咳。大人小兒俱治。

攛榔子

黑豆

山椒

海人草

陳皮

苦楝根皮

右六味各等分。水煎。

治久嗽

雞卵方 雞卵一箇

右以酒一盞。水二盞。砂糖半盞。煎服。若酒客

不醉者。作二三服。可用之。

治肺熱咳嗽脈大。

琵琶葉

紫苑

款冬

木通

桑白

杏仁等分

大黃 減半

右水煎

滋陰降火湯。加沉香方。或人春時患疫後。效

嗽甚。吐食。脈虛。每嗽。自臍下。逆上。諸藥無効。

一匡為陰虛火動。治之愈。

喘

喘

喘嗽氣從臍下衝上而尺脈洪盛或數兼見盜汗潮熱屬陰虛六味丸作湯加補骨脂五味子送下靈砂丹見後誤用四磨必死若作痰治亦危。

○因氣而喘者。遇惱便發。脈必沉弦。此氣滯其痰也。蘇子降氣湯見氣若但喘不嗽。不分遠近前湯吞靈砂丹。

麻黃蒼朮湯

治秋冬感寒。每夜連效不絕。大喘至天明方緩。肢動痞悶者。

麻黃

羌活各八分

蒼朮

泔浸切

柴胡各五分

防風

當歸各四分

黃芩三分

草豆蔻炒研

黃耆

酒炒一分

五味子九粒

甘草炙三分

水煎臨卧熱服。

參蘇溫肺湯

治肺受寒而喘

七氣湯加橘紅。木香。桑白。紫蘆。茯苓。白朮。

五味子。冬月更加不去節麻黃三分。

○寒鬱熱邪而喘中有積痰。遇冷即發。麻黃

定喘湯

麻黃定喘湯

治寒包熱邪。哮喘痰嗽。遇冷即發。

麻黃去節八分

杏仁十四粒泡去皮尖研

厚朴姜製八分

款冬花

桑白蜜炙

蘇子微炒研各一錢

甘草生炙各四分

黃芩

半夏姜製各一錢二分

煎成去滓。以生銀杏七枚。搗爛入藥絞去。衆熱服之。去枕仰卧。暖覆取微汗効。

人參定喘湯 治遠年欬逆上氣。胸滿痞塞。色不出者。

人參

麻黃去節

甘草炙

阿膠

半夏各一錢

桑白蜜炙

五味子碎各半錢

罌粟殼蜜炙二分

生姜三片

水煎食後溫服取微汗。

○虛冷上氣。勞嗽喘乏。千金用半夏一升。

人參。生姜。各一兩。水煎分三次服。

○喘欬上氣。不得卧。生姜。橘紅。人參。紫蘆。各一錢。五味數粒。煎服。

○腎與肺胃俱虛。喘嗽乏力。人參一錢。胡

桃肉三枚連皮。蜜炙煎服。神驗。

○腎氣上逆而喘。用連皮胡桃肉三枚。生姜三片。臨卧細嚼即安。

○七情鬱結。上氣喘息四磨湯。見氣四七湯。見氣選用。

○肥盛多痰。喘不得休不能卧。人扶而坐數日者。千緡湯。一服即安。或千緡湯。合導痰湯。尤妙。惟元氣未衰者宜之。虛人未可輕試也。

○喘而諸茶不效。腹堅脈實者。神保丸。見傷食大便溏者勿用。

○氣實人。誤服參芪而喘者。三拗湯。

○但伏不得卧。欬逆上氣。面目浮腫者。古今錄驗續命湯。見中風。氣有餘。脈來滑實者。勿用。

○經年喘嗽。遇寒更甚者。九寶湯。見咳嗽。

寧嗽化痰湯 治前症選用。

二陳湯。加紫蘇。葛根。枳殼。桔梗。前胡。麻黃。杏仁。桑白皮。

○一切喘嗽屬有餘。治之即愈。若屬虛證。誤與泄氣。禍不旋踵。即暴喘腸脹。大便實者。方可用茶。加以澹泄必死。勿治。此陰火暴逆。

於手足大陰。所以喘脹。腎氣失守。所以便溏。其人雖強。不久當嘔血而死。

○李士材曰。氣虛而火入肺者。補氣為先。生脈散有痰。六君子湯。陰虛而火乘金。不得卧者。壯水為急。六味丸。虛則合生脈散。風寒者解其邪。華蓋散。濕氣勝者利其水。滲濕湯。暑邪者滌其煩。白虎湯。痰壅者消其痰。二陳湯。氣鬱者疎其鬱。四七湯。肺脹者散其邪。脈浮大者。越脾加半夏湯。見肺脹。脈浮者。小青龍加石膏湯。腎虛火不歸源。八味丸。腎虛水邪泛濫。濟生腎氣丸。此治喘之大法也。

靈砂丹 治上盛下虛。痰涎壅盛。最能鎮墜虛火。升降陰陽。和五藏。助真元。

水銀 四兩 硫黃 一兩

右二味。入煬盛罐。內赤石脂。封口。鹽泥固。濟三足釘。釘打火。蓋內置水。勿令乾。候三炷香足。為度。

附方

一方

回春定喘湯。吼哮門。加小猫頭骨燒存性。

一方 治喘急諸藥不效。八解散。加佛耳草。

哮喘

哮喘證多屬寒包熱邪。所以遇寒即發。喉中水雞。有積痰在肺絡中。必用吐法。以提散之。不可純用寒涼。常須兼帶辛散。小青龍湯。探吐最妙。年高氣弱人。忌吐。

○凡喘未發時。以扶正氣為主。既發時。以散邪為主。

○哮喘遇冷則發。其法有二。一屬中外皆寒。溫脾湯。見喘鐘乳丸。選用。并以三建膏護肺。愈元。最妙。一屬寒包熱。越脾。見痺。加半夏湯。麻黃定喘湯。平時用蘆吸散。亦妙。古人治寒包熱邪。預於八九月未寒之時。用滾痰丸。下其熱痰。後至冬無熱可包。則不發矣。

鐘乳丸

治冷哮喘。但有血者勿服。

滴乳石酒浸研七日。水送七次。甘草湯煮三伏時。燕火許。開。光亮如蠶魚為度。

麻黃焙湯泡。杏仁。揀去雙仁。甘草。分。免等。

煉白蜜丸。彈子大。五更臨卧。各嚙化。一九。去。

枕仰卧。勿開言。數日。効。

三建膏

治冷哮喘及陰疽反肉不化。

天雄 附子 川烏各一枚

桂心 觀桂 桂枝

細辛 乾姜 蜀椒各二兩

右切為片。麻油二觔浸。春五夏三。秋七。冬十日。煎熬去滓。攪淨再熬。徐下黃丹。不住手攪。滴水不散為度。

蘆吸散 治冷哮喘寒嗽喘促痰清。但肺熱者禁用。

款冬花 川貝母去心 肉桂

甘草炙各五錢 鷲管石五錢。煨即鐘乳之。最精者。

為極細末。以蘆管吸少許。嚙化嚙之。日五七次。

○丹方。治冷哮喘痰喘。用胡椒四十九粒。入活蝦蟇腹中。鹽泥煨存性。卧時分三次。醇酒服之。羸者諒分五七服用之。輒効。若有伏熱者。誤用。喘逆倍劇。不可不辨。

○冷哮喘。灸肺俞。膏盲。天突。有應。不有應。夏月三伏中。用白芥子塗法。往往獲効。方用白。

芥子淨末一兩。延胡索一兩。甘遂細辛各半兩。共為細末。入麝香半錢。杵勻姜汁調。塗肺俞膏盲。百勞等穴。塗後麻脊疼痛。切勿便去。候三炷香足。方可去之。十日後塗一次。如此三次。病根去矣。

○遇厚味則痰者。用萊菔子炒研一兩。猪牙皂莢一兩。燒存性三錢。共為細末。姜汁調。蒸餅為丸。綠豆大。每服五十九。沸湯。或枳實湯。下。名清金丹。消其食積。則肺胃自清。仍當薄滋味。以清肺胃之氣。

○傷鹹冷飲食而喘者。用白麪二錢。砂糖二錢。飴糖餅化汁。捻作餅子。爐內燂熟。刻出。加輕粉四錢。令患人食盡。吐出病根即愈。年幼體虛者。分三四次服之。蓋鹹哮喘。肺胃受傷。白麪。砂糖。膠飴甘溫。戀膈使之留連。病所留連。引領輕粉。搜滌淤積之痰。上涌。三涌三補。屢建奇功。補用五味異功。稍加細辛服之。○醋噲而嗽。甘草二兩。中半劈開。用猪膽汁五枚浸。五日。火灸為末。蜜丸。茶清吞二錢。臨卧服之。

○凡哮喘。見胸凸背駝者。此肺絡敗。為痼疾不治。

肺脹

風水。上氣喘而躁者。屬肺脹。欲作風水。發汗則愈。

○欬而上氣。此為肺脹。其人喘。目如脫狀。脈浮大者。越脾加半夏湯主之。

○肺脹欬而上氣。煩躁而喘。脈浮。心下水氣。小青龍湯。加石膏。

○上氣面浮腫。肩息。其脈大不治。又加利尤甚。是肺氣壅。逼上而不下。氣方外。出無法。可令內還而趨。故云不治也。

○肺脹而欬。左右不得卧。此痰挾瘀血。礙氣而脹。當歸。丹皮。赤芍。桃仁。枳殼。桔梗。半夏。甘草。竹瀝。姜汁。蜜調噲之。

肺痿

肺痿涎唾多。心中溫溫液液者。灸甘草湯。見傷寒主之。

生姜温中湯 治肺痿虛寒。羸瘦緩弱戰掉。噎
吸胸滿。

生姜 一兩

桂心

橘皮 各一兩

甘草

麻黃 各一兩

右五味水煎。

生姜甘草湯 治肺痿欬唾涎沫不止。咽燥而
渴。

生姜 半兩

甘草 各二錢

人參 三錢

大棗 五枚

右五味水煎。

○肺痿欬嗽有痰 午後熱并色嘶者。紫苑
散加丹皮。姜。棗。見欬嗽

○心火剋肺 傳為肺痿。欬嗽喘嘔。痰涎壅

盛。胸膈痞滿。咽喉不利者。紫苑散加葶藶。橘

紅。姜。棗。

○肺痿欬嗽不已。 往來寒熱。自汗煩渴者。

紫苑散加知母。銀柴胡。姜。棗。蓋欬嗽色嘶咽

喉不利皆是火鬱痰滯。必用生姜之辛以散

之。然須蜜製藉甘以潤之。

○劉默生曰。 痿本虛燥。總不離壯水清金。

滋補氣血津液。消痰止咳。宜天冬。麥冬。生地。

熟地。知母。人參。葶藶。紫苑。為主。痞結去天冬

生地。加橘紅。蘓子。泄瀉去天冬。生地。知母。加

山萸。茯苓。并用固本丸。見虛損不時噲化。

劫勞散 治肺痿咳嗽。痰中有紅絲。盜汗發熱。

熱過即冷。飲食減者。

四物湯。去川芎。加人參。黃耆。甘草。阿膠。五

味子。半夏。為散。每服三四錢。加姜。棗。煎。空

心服。

人參蛤蚧散 治虛勞肺痿失音。欬唾。腥血稀

痰。或面上生瘡。

川蛤蚧 十對。酒浸。酥炙。色白。形如字

知母 酒炒

川貝母 去心

桑白皮 蜜汁和

茯苓 各二兩

人參

甘草 各三兩

杏仁 去皮尖

為散。每服三錢。不拘時。茶清或蜜水調服。

○丹方 治肺痿。每日用人參一錢。入猪肺

管內。砂鍋中煮爛。加葱。酒服。効。

○肺痿欬唾咽燥 欲飲水者。自愈。張口短

氣者危。

○欬而口中自有津液。舌白胎滑。此為肺寒。甘草乾姜湯。

○肺痿屬熱。如欬久肺癰喉啞。色嘶咯血。此屬陰虛。多不可治。

○肺痿六脈沈瀦而急。或細數無神。脈口皮膚枯乾。而氣高息麤者死。

肺癰

凡欬嗽吐臭稠痰。胸中隱痛。鼻息不聞。香臭項強。不能轉側。欬則遺尿。自汗喘急。呼吸不利。飲食減少。脈數盛而芤。惡風毛聳。便是肺癰之候。蓋由感受風寒。未經發越。停留肺中。蘊發為熱。或挾濕熱。痰涎垢膩。蒸淫肺竅。皆能致此。慎不可用溫補保肺藥。尤忌發汗。傷其肺氣。往往不效。

十六味桔梗湯 治肺癰。實熱唾穢痰。

桔梗湯。加薏苡。貝母。當歸。桑白。括萎仁。百合。枳殼。葶歷。五味子。地骨皮。知母。防已。黃耆。杏仁。

○初起。用葶歷湯。此方大疏肺氣。服之使

濕痰悉趨溺孔而去。一二服即應。脈浮表熱。加葱白。香豉。氣口脈盛。加犀角。竹茹。痰多。加貝母。萎仁。蛤粉。引痛加紫苑。白蜜。

葶歷湯 治肺癰胸中甲錯

葶歷即葶管取薏苡仁三合 挑仁五十枚碎

瓜辨即甜瓜子半升碎 如無甜瓜子代之

右四味。以水一斗。先煮葶歷。得五升。去滓。內諸菜。煮取二升。溫服一升。再服。當吐如膿。

○初起。欬逆不利。二味桔梗湯。加貝母。紫苑。多汗。加防已。黃耆。

葶歷薏苡瀉肺湯 治潰後唾膿血不止

桔梗湯本方。用甘草節。加薏苡。貝母。橘紅。黃芪。忍冬。白芨。葶歷。生薑。初起去黃芪。加防風。潰後膿血去多。加人參。潰久不斂。加合歡皮。

○欬有微熱。煩滿胸中甲錯者。千金用合歡皮一味。日取掌大。一塊煎湯服。

○平昔勞心。思慮多。鬱火人。唾臭痰鮮血。此屬陰火。但與生料六味丸。加麥冬。紫苑之類。若誤投參耆補氣補火。臭痰轉甚者。急宜

上法。加童便服之自清。

○初起疑似未真。生大豆絞漿飲之。不覺腥氣。便為真候。大抵舌音清朗。膿痰稀澤。或間有鮮血。飲食知味。胸脇不疼。或欬則微痛。痛在右畔。肺之長葉而坐卧得寧。形色如常。便溺自調者可治。若潰後大熱不止。時時惡寒。胸中隱痛。痛在左畔。肺之短葉。此金氣淺薄。潰後最難平復。而喘汗面赤。坐卧不安。飲食無味。膿痰腥穢不已者難治。若喘鳴不休。唇反。咯吐膿血。色如敗滷。溺臭異常。正氣大敗。而不知痛。坐不得卧。飲食難進。爪甲紫而帶灣。手掌如枯樹皮。面艷顴紅。舌啞。鼻煽者不治。

○肺癆初起。脈不宜數大。潰後最忌短澹。脈緩滑面白者生。脈弦急面赤者死。○肺已破。入風者不治。即濃煎葱白香豉湯。頻服。然多不救。

○丹方。薏苡根汁。頓熱服之。其効最捷。已潰未潰。皆可挽回。諸方皆不及。

○肺痿脈虛數。肺癆脈實數也。其人欬。口

中不乾燥。濁唾涎沫。頃之遍地者。肺痿也。欬而口中辟辟燥。則是肺已結癰。火熱之毒。出見於口。欬色上下觸動其癰。胸中隱々而痛。其脈必滑數有力。邪氣方盛之徵也。數虛數實之脈。以之分別。

胃脘癰

胃脘癰者。但嘔而不效。熱聚於胃口而為癰。胃脘屬陽明。陽明氣逆。故膿不自欬出。而從嘔出。膿亦不似肺癰之如米粥者。此出自胃脘。從溼化而聚結成膿。有結痰如蜆肉也。癰在胃脘之上者。膿嘔出盡則愈。若過乎中。在膈之下。則膿從大便而出。若膿自上而吐。輕則金匱排膿散。重則射干湯。見後。或犀角地黃湯。加忍冬連翹。因勢利導之法也。膿稀嘔止後。用太乙膏作丸服。虛人宜八物湯。加黃耆。忍冬。連翹之類。調補之。膿自下而出者。輕則金匱排膿湯。重則大黃牡丹湯。見大腸癰。涼膈散。選用。凡舌胎經久不退。色黑垢膩。口中作甜。其氣穢濁。即胃脘發癰之候也。

排膿湯

治內癰膿從嘔出。

桔梗湯加生姜大棗水煎日二服。

排膿散

治內癰膿從便出。

桔梗湯去甘草加枳實芍藥為散取雞子黃一枚以棗與雞子黃相等揉和飲和服之日一服。

大乙膏

治內外一切癰瘍。

黑參

白芷

歸身

肉桂

大黃

赤芍

生地黄 各二面

右切為片麻油二觔浸春五夏三秋七冬十日煎熬去滓攪淨再熬徐下黃丹不住手攪滴水不散為度內癰可丸服之。

射干湯

治入迎逆而盛嗽膿血營衛不流熱聚胃口成癰。

射干 去毛

梔子仁 姜汁炒黑

赤茯苓 去皮

升麻 各一兩

赤芍藥 兩半

白朮 生半兩

右為麤末每服五錢水二盞煎去滓入地黃汁一合再煎溫日再服日晡發熱每服加犀角丹皮各一錢甘草二錢

腸癰

腸癰下血腹中疝痛其始發熱惡寒欲驗其證必小腹滿痛小便淋瀝反側不便即為腸癰之確候無論已成未成俱用大黃牡丹湯加犀角急服之小腹痛若腫滿不食小便不利膿壅滯也。用薏苡丹皮桃仁葶仁煎服以排之若至反側作水色此膿已成也千金托裏散見癰疽下大乙膏見胃脘癰若膿從大便出者為直腸癰可治若從臍中出者為為盤腸癰多不治經云腸癰為病不可驚驚則腸斷而死。

大黃牡丹湯

小養氣去枳實厚朴加芒硝桃仁牡丹皮甜瓜子。

短氣

少氣

短氣一屬支飲脈必弦滑呼氣之短苓桂木甘湯見痰飲吸氣之短腎氣丸見虛損。欬逆倚息不得卧小青龍湯見傷寒脹滿。

厚朴大黃湯

即小兼氣湯倍大黃

○一屬虛。短氣小便利者。四君子。去茯苓。加黃芪。如腹中氣不轉者。倍甘草。肺氣短促。或不足者。倍參。加白芍。若失血後。陰火上集。而短氣不足以息。或腎虛發熱。唾痰者。生脈散。加歸者。生地。

○病後。產後。一切瘡疽潰後。氣虛不能接續。及年高病久。正氣耗散之人。雖有痰火。不可作有餘。誤用耗氣之藥。禍不旋踵。大劑生脈散為君。少佐陳皮。扶接元氣為主。
○少氣者。氣少不足以言也。治法獨參湯。生脈散保元。異功散之類。選用。

逆氣

不得卧而息有音者。是陽明之逆也。起居如故而息有音者。是肺之絡脈逆也。不得卧。卧則喘者。是水氣之客也。陽明之氣逆。四磨湯。
見氣七氣湯。見氣肺絡之氣逆。杏子湯。見水腫。小青龍湯。見傷寒。越脾湯。見傷寒。蘓子降氣湯。見氣。腎氣之逆。麻黃附子細辛湯。腎氣

丸。靈砂丹主之。

痞

失音。大都不越於肺。然須以暴病得之。為鬱氣逆。久病得之。為津枯血槁。蓋暴痞總是寒包熱邪。或本內熱。而後受寒。或先外感。而食寒物。竝宜辛涼和解。稍兼辛溫散之。消風散。見咳嗽。用姜汁調服。緩々進之。或只一味生姜汁。亦可。冷熱嗽後。失音尤宜。

○若咽破。舌嘶而痛。是火邪過閉傷肺。昔人所謂金實不鳴。金破亦不鳴。用生脈散。合六味丸作湯。

○肥人痰溼壅滯。氣道不通。而舌痞者。二陳導痰開滌。一切滋補為禁。劑久病失音。氣虛挾痰。生脈散下都烝丸。
○凡咽乾。舌槁者。潤肺為主。生脈散合異功散。若膈內作痛。破痰為先。代抵當丸。傷寒○舌痞不能言者。亦當分別新久。新痛舌痞不能言。必是風痰為患。類中風例治之。
○若肥人舌短不能言。或舌根強硬。導痰

湯為主。若久病後。或大失血後。舌痿不能言。大虛挾寒例治之。要在臨證審病因無誤。然中風暴病失音。多緣少陰真氣久虛而得。更兼遺尿。五絕證見不可治矣。若冬月欬嗽。寒痰結於咽喉。語喑不出者。此寒氣客於會厭。故卒然而瘖也。麻杏甘石湯。傷寒或古今錄驗續命湯。見傷寒選用。若失音不語。已經痰散潤肺。而不應者。生脈散。并童真丸。噲化之。若咳嗽氣促。而胸中滿悶。喑瘖不出者。肺胃氣燥。不能祛餘邪也。紫苑散。見嗽主之。亦有叫罵。喑嘶。而喉破失瘖者。十全大補湯。見虛損若肺氣虛寒。為厲風所傷。喘欬喑嘶。或先傷熱。而寒鬱熱邪。喑瘖不出者。千金酥蜜膏。又咽痛起於四五月間。或欬劇而得。或多稠痰結瘖。而咽喉上腭腫痛。其喑雖啞。而尚有音破濁。脈大緩而右寸尤甚。此熱結於肺也。宜用辛涼之劑。如桔梗湯。加葱白。香豉。荊芥。薄荷。兼有風寒客邪。更須桂枝。芍藥。姜棗。膠胎之類。并以姜蜜製黃柏噲之。慎不可驟用。歛降之藥。若暴啞。喑不出。咽痛常異。卒然而

起。或欲欬而不能欬。或無痰。或清痰上溢。脈多弦緊。或數疾無倫。此大寒犯腎也。麻黃附子細辛湯。見傷寒溫之。并以蜜製附子噲之。慎不可輕用寒涼劑。胎前產後失音。另詳本門。

痰火

痰火者。精髓枯涸於下。痰火憑陵於上。有形之痰。無形之火。交固於中。良由勞思傷神。嗜慾傷精。加以飲食不節。血肉之味蘊釀。為痰為火。變動為欬。為喘。其在平居無恙之時。貯積窠囊之中。或時有所觸。發則衝膈透膜。與潮宗之泛濫無異。觀其外顯之狀。頗有似乎哮喘。察其內發之因。反有類乎消中。○私曰。前證為宿疾。或有時病發。或有時止。

玉竹飲子

治痰火延湧。盛欬逆喘滿。

萎蕤一名玉竹

茯苓二錢

甘草一錢

桔梗一錢

橘皮一錢

紫苑三錢

川貝母三錢

生薑同橘皮蜜煎四枚

右八味長流水。煎白蜜二合二服。○氣虛加

人參二錢。○虛火加肉桂半錢。○客邪加細辛三分。香豉三錢。○咽喉不利。唾膿血。加阿膠三錢。藕汁半盞。○頭額痛。加葱白二莖。○便溲。用伏龍肝擊碎。澄清。代水煎服。○氣塞。臨卧。磨沈香汁數匙。

○挾客邪者。香薷散。加細辛。先徹標證。

枳木湯

見水腫

治因飲食痰者

穀傷加麩麥。○酒傷加煨葛。○肉傷加炮查。○麩麩加草菓。○雞鴨卵傷加杏仁。○痰食交結。則加橘半。○食積發熱。加黃連。○因惱怒發者。沈香降氣散。見氣和滓煎服。兼冒微風。另煎香薷散。以協濟之。

○凡觸痰之因。不出風食氣三者。標證散後。用玉竹飲。病勢向衰。即當滋養肺胃。異功散。加萎蕤。氣虛不能宜發。其痰需局方七氣湯。借肉桂為熱。因熱用之嚮導。若其人形體雖肥。而色白。氣虛。則以六君子湯。加竹瀝。姜汁。半夏。亦無妨。食少便溲者。忌竹瀝。宜用伏龍肝湯。代水煎服。瘦人陰虛多火。六味地黃。去沢瀉。合生脈散。若命門脈弱。真火或微。或

不時上衝。頭面開熱。六味地黃。加肉桂。五味子。若真氣浮散之極。宜靈飛散。○私曰。自異功散。加萎蕤。至於此。病勢退後。調理法也。

消渴

色欲恣意。或甜金石。小便無度。唇口乾焦。加減八味丸。見虛損用生脈散。見暑下。

○男子消渴。飲一斗。溲一斗者。腎氣丸。見虛損。飲一溲二者難治。

○渴家誤作火治。涼茶亂投。促人生命。宜多服生脈散。滋養之。

○上焦溫熱。消渴。小便赤澀。清心蓮子飲。見濁

○心膈有熱。久則引飲為消渴。名曰膈消。胃滿煩心。津液短少。宜明麥門冬飲子。

麥門冬飲子

治老人津虧大渴。

生脈散。加茯神。甘草。枸杞。生薑。

蘭香飲子

治消中能食而瘦。口舌乾大渴。引飲。自汗。大便秘燥。小便頻數。

白虎湯。去粳米。加人參。生甘草。蘭香。防風。

升麻。桔梗。連翹。半夏。白豆蔻。

甘露飲子。治煩熱大渴引飲不止。脈滑實。胃

中客熱煩躁。口鼻咽瘡。牙宣口臭。

二冬膏。加生地。熟地。茵陳。枳殼。黃芩。石斛。

甘草。枇杷葉。

○胃熱口臭煩渴引飲面赤唇乾氣口脈短

滑者瀉黃散見後

○食已如饑。胃熱消穀。陽明脈盛。心火上

行。面黃肌瘦。胸滿腹脹。小便赤澀。七味白木

散。見小兒

○心膈有熱。消渴咽乾面赤。生料固本丸。見

虛損加黃芪。甘草。石解。沢瀉。枇杷葉。

○脈浮小便不利。微熱消渴。或飲水多。停

畜不散。心下轉々有音。小便不利者。并宜五

苓散若熱渴不止。加人參

○三消久而小便不臭。反作甜氣。此脾氣

下脫。為病最重。七味白木散

○有溺桶中浮。在面上如猪脂。濺在桶邊。

或如柏油者。此腎虛。不能約制脾胃之液下

流。用白朮散。下腎氣丸。可救十之一二。

○脾消之證。飲食入腹如湯沃雪。隨小便

而出。出於溷僻溝渠。皆旋結如白。肌膚日消。

用熱茶則愈甚。用涼茶則愈虛。不能起止。精

神恍惚。口舌焦乾。或陽強興盛。不交而泄。不

又當斃。

○消渴之人。愈與未愈。常須思慮有大癰。

何者消渴之人。必於大骨間。發癰疽卒。所以

專慮發大癰也。

○脈顯實大。為證脈相符。雖又可治。若見

懸小而堅難治。雖小不至於虛懸。堅動。又當

從仲景腎氣丸。正治。然消瘴脈無有不帶數

象者。但須浮數沈數。在右在左。尺甚寸甚。及

有餘不足。兼見何脈。而為審治。

○上消者。舌上赤裂。大渴引飲。中消者善

食而瘦。自汗大便硬。小便數。下消者煩躁引

飲。耳輪焦乾。小便如膏。又曰治消之法。無分

上中下。先治腎為急。八味腎氣丸引火歸元

下消腎肝位遠。宜制大其服。如減八味丸料

一斤。肉桂一兩水煎。六七碗。恣意冰冷服之。

熟睡而病如失矣。

○飲水不過一二口即厭。少頃復渴。雖飲亦不過。若消渴者。飲水無厭。是中氣虛寒。理中湯送八味丸。

瀉黃散 治胃熱口臭煩渴引飲。

藿香 七錢

山梔 薑汁炒黑

甘草 生炙各半兩

石膏 煨一兩

防風 八錢

為散。每服四五錢水煎去滓。入生白蜜少許。調服。

衄血

衄者血從經絡中滲出。而行於清道也。傷寒衄血。青熱在表。有麻黃越脾湯法。雜病衄血。責熱在裏。經絡熱甚。陽氣壅重。迫血妄行。而出於鼻。從無發散之理。若因七情喜怒勞役。過傷而致者。無論是何經絡。并宜茅花煎湯。調止衄散。或四物。加犀角。丹皮。沉香。

止衄散

治久衄發熱。

黃耆 六錢

當歸

赤茯苓

白芍藥

乾地黄

阿膠 各三錢

為散。半饑時。麥門冬湯調服。三錢。日三服。○

面熱足冷。心懸如飢。下焦陰火也。加肉桂末一錢五分。渴不能飲。自覺膈滿者。瘀血也。加犀角。丹皮。氣虛少食。二便如常者。獨參湯服之。兼感微風。發熱頭痛者。葱白香豉湯服之。虛煩不安。不時開熱者。梔子豉湯服之。素有偏風頭痛異常。黑豆。荆芥。灰淋酒服之。驟衄不止者。茅花湯服之。久衄不時舉發者。烏梅湯服之。

○六脈弦細而瀦。按之空虛。色白不澤者。脫血也。此大寒證。理中湯。加黃耆。

○六脈按之空虛。心動面赤。善驚上熱。乃手少陰心火旺。而上薰於肺脈也。

三黃補血湯

四物湯。加生地黃。黃耆。升麻。柴胡。丹皮。

○實熱衄血。脈實大便秘者。犀角地黄湯。

加木香。大黃。衄血過多。屢服犀角地黄湯。見傷寒不止。此內虛寒。而外假熱也。千金當歸湯。兼標本而治之。若至夜發熱。此因多汗衛氣大虛。不能固其營血也。當歸補血湯。不効。

加木香。更不効。必是血虛火旺。大劑保元湯。

若誤用涼血藥致瘀熱內結胸中作痛者一味木香酒磨頻服錢許立効。

當歸湯

治衄血吐血

當歸 一錢

乾姜 炮五

芍藥

阿膠

黃芩 各半

右五味水煎日再服。

○內傷勞役之人。喘嗽面赤。發熱頭痛而衄。此肺經氣虛失護衛之職。致心包火炎。經脈熱甚。故行清道。當歸補血湯。加薄荷。荆芥。不應補中益氣。倍黃耆。慎不可用辛熱之藥。兼有風寒。小建中湯。加葱豉。

○清道閉塞。流入胃脘。吐出清血。或衄血不盡。瘀積停留。致面目痿黃。大便黑色。犀角地黃湯。

○癩撲而衄不止。小烏沉湯。調黑神散。

小烏沉湯

治血氣不調。心中刺痛。

香附

童便浸

甘草 一

烏茶 半

右三味水煎。即用茶汁磨沉香五分。入鹽一字。熱服。上三味在婦科名抑氣散。合四物湯。即四烏湯。局方烏沉湯之變法。方中去參。姜。

而易香附。其破氣之力雖峻。而功力稍遜。故以小字加之。立方之意微矣。

黑神散

治吐血衄血。屢發不止。

甘草

灸二

乾姜 炮

肉桂 各一

熟地黃 四兩

當歸

蒲黃 篩淨炒黑 各三兩

白芍 酒製 二兩

右為散。每服四錢。用細黑豆半合。微炒香。淋酒半盞。和水半盞。煎至半盞。入童便半杯。和服。世本以黑豆炒熟去殼。同上。茶為散。不知黑豆之功。全在殼也。氣虛加人參三兩。黃芪六兩。以固衛氣。庶無管脫之患。

○伏暑而衄。五苓散。加茅花。

○久衄不止。熱在下焦血分。六味丸。五味子。作湯不効。加童便。

○有先因衄血。衄止而變生諸證。或寒熱間作。或喘急無寐。病狀不一。漸成勞瘵。當於虛損而諸證詳之。

○曾病衄後。血因舊路。或一月三四衄。又有洗面即衄。日以為常。並宜止衄散。茅花煎湯調下。大衄不止。面浮腫者。蘓子降氣湯。使血隨氣下。得力全在肉桂一味。久衄不已。須

加氣茶。如木香。香附之類。蓋血無氣引。則血不歸經也。

○有頭風。纏發。則衄不止。用童便浸川芎一兩。童便製香附二兩。炙甘草半兩。共為末。每服三錢。清茶調下。間用搐鼻法。

○脈浮大數者。為邪伏於經。宜發汗。大而虛者。為脾虛。不能統攝。宜補氣。小而數者。為陰虛。火乘。宜投火。弦濇為有瘀積。宜行滯。凡衄血之脈。數實。或堅勁。或急疾不調。皆難治。久衄。脈虛大。頭角痛甚。鼻流淡黃水者。死。

○大衄血者。口鼻俱出也。此積勞傷脾所致。補中益氣。倍黃耆。當歸。不應。歸脾湯。加童便。藕節。

附方

一方 治脈沉數者極効。

黃芩

梔子

芍藥

犀角

甘草

阿膠

竹葉各等

水煎

舌衄

舌上忽出血如線。先用蒲黃煎湯漱之。次用槐花炒研。摻之。黃芪六一湯。合生脈散服之。熱壅舌上出血。如泉一味。川文蛤為散。摻之。虛熱舌脹大。出血不止。生乾姜末。蒲黃末。摻之。黃耆六一湯。見汗。

齒衄

血從齒縫中。或齒齦中出。曰齒衄。又謂牙宣。有風壅。有腎虛。有胃火。風壅者。或齒齦微腫。或牽引作痛。消風散。見咳嗽。加犀角連翹。外擦青塩藁本末。腎虛者。口不臭。齒浮動。齒縫中點滴而出。若隱々作痛者。虛風。襲入腎經。腎主骨。齒乃骨之餘也。宜塩湯。下小安腎丸。不痛。腎虛而有火也。六味丸。加骨碎補。外用青塩。炒香附子末。擦之。胃熱者。牙疼而齒間出血如涌。齒不動搖。其人必好飲。或多啖。灸燻所致。口臭不可近。宜清胃散。甚者。服調胃。養氣湯。

小安腎丸 治風寒襲於腎經。下體沉重。夜多小便。耳鳴岐視。牙齦動搖。出血小腹寒疝作痛。

香附 童便製 二兩

川烏頭 炮淨 一兩

藿香 青塩微 炒三兩

川椒 去開口者 炒一兩

熟地黄 四兩

川棟子 酒蒸取 肉三錢

酒糊丸。梧子大。空心鹽湯。臨卧温酒。各服三錢。

清胃散

治胃中蘊熱。中脘痛。痛後火氣發泄。必作寒熱。乃止。及齒齦腫痛。出血痛引頭惱。

生地黄 四錢

升麻 五錢

牡丹皮 五錢

當歸

川連 酒蒸各 三錢

為散。分三服。水煎去滓。細々呻之。半日再服。犀角地黄湯。專以散瘀為主。故用犀芎。此則開提胃熱。故用升連。其後加味清胃。則兼二方之製。但少芍藥耳。

加味清胃散

治斑疹。口舌生瘡。齒齦腐爛。清胃散。加犀角。連翹。生甘草。

耳衄

耳中出血。為耳衄。兩關弦數。飲酒多怒人。屬

柴胡清肝散

治怒火憎寒。發熱。肝膽風熱。瘡瘍。肝火。柴胡清肝散。尺脈弱。或躁。屬陰虛。生料六味丸。加五味子。更以龍骨燒灰。吹入即止。

小柴胡湯。去半夏。姜枣。加山梔子。川芎。連翹。桔梗。

眼衄

血從目出。乃積熱傷肝。或誤葷擾動陰血所致。暴病。發熱見此。梔子豉湯。加犀角。秦皮。丹皮。赤芍。誤葷成壞病。見之。雖用獨參。保元。生料六味。皆不可救。

肌衄

血從毛孔出者。為肌衄。脈數。當歸補血湯。脈浮。黃耆建中湯。脈弱。保元湯。脈盛。當歸六黃湯。見汗。

吐血

吐血者。一吐則傾盆盈碗。或鮮散中兼紫黑。

大塊吐後不即凝結。蓋吐血出於胃。胃為水穀之海。多氣多血。故吐多而不即凝。以中雜水穀之氣也。皆勞力內傷中氣而得。亦有醉飽接內而致者。治法不可驟止。止則使敗血留積。為瘀血之根。不時舉發。為害非輕。亦不宜峻攻。復傷其血。只宜清理胃氣。以安其血。如犀角地黃湯。見傷寒隨證加桃仁。茜根。橘紅。木香。大黃。童便之屬。吐久不止。內虛寒而外假熱。千金當歸湯。見衄血不應用十灰散。見虛損過之若血色瘀晦。如污泥。為陽不制陰。宜花葉石散。見虛損溫以散之。

○吐血初起。脈俱洪數者。屬外因。須用參蘓飲。加歸身。倍茯苓。蓋茯苓能守五藏真氣。瀉腎中伏火。去脾胃中溼。二三劑後。脈數退而洪不退者。用六味地黃丸。加沉香。以納氣歸元。若洪退弱極。用四君子。加橘紅。以補脾生肺。慎不可用涼藥。蓋火載上行。逆也。復用涼藥。強為降下。豈非逆而又逆乎。不若發散之為愈也。

○吐血脈弦大洪長。按之有力。精神不倦。

或胸中覺滿痛。或血是紫黑塊者。用當歸。丹皮。荊芥。阿膠。滑石。酒大黃。玄明粉。桃仁泥之。屬從大便導之。此釜底抽薪之法。不知此而從事於芩。連。知。柏。之屬。輔四物而行之。氣血俱傷。脾胃多敗。百不一生也。

○吐血在暑天。病人口渴。面垢頭暈。乾嘔。

五苓散。見傷寒或桂苓甘露飲。見溼並麥冬。

五味藕節汁。

○酒後悶。嘔血從吐後出者。新定紫菀草湯。見欬嗽

○飲酒過多。傷胃吐血。六君子。加香砂。乾葛。

○傷胃吐血。因飲食大過。不能消化。煩悶強嘔。因傷胃口吐血。腹中絞痛。自汗。其脈緊而數者。難治。枳實理中湯。加丹皮。蘆豆灰。

○諸失血後。倦怠昏憤。面失色。癩於言語。

濃煎獨參湯。加橘皮。所謂血脫益氣也。

○勞心大過。吐血不止。歸脾湯。去木香。加門冬。阿膠。

○婦人倒經。血溢於上。蒸熱欬嗽不除。及

男子精未充。而御女而成虛勞失血。並宜烏

骨雞丸。巽順丸。選用若血色淡晦不鮮。無論上吐下失。俱當用溫熱之劑。如甘草乾姜。溫理中氣。切禁寒涼。若至衄血。血水難已。

○胃中熱甚。迫血妄行。犀角地黄湯。加大黃灰。木香。桃仁。

○吐血勢不可遏。胸中覺氣塞滯。吐紫黑血者。桃仁。兼氣。加茜根。

○千金翼治吐血。用生地汁半升。煎三兩沸。調生大黃末一方寸匕。分三服。治熱毒吐血。有効。

○有時吐血一兩口。隨即無事。數日又發。經年累月不愈者。小烏沉湯。見衄血。送黑神散。不時常服。

○吐甚不止者。栝葉。乾姜等分。加艾少許。入童便服。

○失血後。頭暈發熱者。往往有之。此是虛火上炎。外擾之故。不可誤認外感。而用風藥。

○吐血發渴。名曰血渴。十全大補湯。或生脈散。加黃芪。煨葛根。枇杷葉。量胃氣虛實用之。

○暴吐血新止後。丹方用燕窩菜。冰糖各四錢。同煮服之。連服五七日。永不復發。

○吐血脈以微細為順。洪大為逆。血若暴湧如潮。喉中汨汨不止。脈見虛大。此火勢未斂。不可便與湯藥。急以熱童便。或藕汁灌之。俟

半日許。脈勢稍緩。再進調養之劑。倘寸關雖弱。而尺中微弦。為陰虛。以防午後陰火上升。上午宜服獨參。保元。以統其血。午後與六味

丸。加童便。午膝。以濟其陰。服後脈漸調和。飲食漸進。肢體輕捷。面色不赤。足膝不冷。身不灼熱。額無冷汗。溲便如常。雖有紫黑血塊。時

欲咯出。而無鮮血上行。方許可治。血雖止而脈大不減。或雖小而弦細數疾。或弦硬不和。慎勿輕許可治。亦有他部柔和。而左手關尺

弦強者。為陰虛火旺。最為危兆。其變有三。一則陰火引血復上。而暴脫。一則虛陽發露。而發熱。一則火上逼肺。而喘欬。此終不救。

○脫血。用大劑人參。益氣。以固血。惟血色鮮明。或略兼紫塊者宜之。若見晦淡者。為血寒而不得歸經。須兼炮黑乾姜。或大劑理中溫

之尺部脈弦。大劑生料六味。加肉桂引之。亦有用肉桂為末。和獨參湯服者。若血色如硃。光亮如漆。吐出即乾。以指甲剔之成片。而起者。雖能食不倦。後必暴脫而死。若血中見似肉肺。如爛魚腸。此胃中脂膜。為邪火所燉。凝結而成。方書咸謂必死。然吐後疑結既去。而不發熱。能進飲。令服小劑異功。保元大劑六味。都悉。多有得生者。不可盡委之於無救也。

獨參湯

治氣虛不能統血。驟然脫血。血崩不止。
 人參三錢。至一兩。大虛暴脫。一兩至三兩。胃虛少食。加橘皮。肺虛喘嗽。加橘紅。血脫。加童便半杯。姜汁三七。一方多京棗三枚。此證與宜虛損門參看。

嘔血

嘔血者。血從腹脇而上。大嘔而出。乃肝火內旺。鼓激胃中之血。上湧猶龍奮於澤。而波濤為之沸騰也。嘔血證治有三。一屬暴怒火逆傷肝。其證胸脇痛。甚則厥逆。柴胡疎肝散。加

大黃。一屬極勞奔馳傷肝。其證遍身疼痛。或時發熱。犀角地黄湯。加當歸。肉桂。桃仁。泥一屬竭力房勞傷肝。其證面赤足冷。煩躁口渴。生肌散。合加減八味丸。陽衰不能內守。而嘔者。異功散。服八味丸。然不戒房室。思慮。勞役。終不救也。氣竭肝傷。而有乾血者。四烏鯁一蘆茹丸。

柴胡疎肝散

治怒火傷肝。脇痛血菀於上。

- | | | | | |
|----|----|-------|-----|------|
| 柴胡 | 橘皮 | 醋炒各二錢 | 川芎 | 童便浸切 |
| 芍藥 | 枳殼 | 炒各錢半 | 甘草 | 炙五分 |
| 香附 | 山梔 | 醋炒表半 | 姜汁炒 | 黑一錢 |
- 水煎。食前溫服。吐血童便半盞。

唾血

平時津唾中。有血如絲。或浮散者。此屬思慮傷脾。脾虛不能統血也。有兼心。兼腎。兼胃之不同。兼心。加味歸脾湯。兼腎。六味丸。加五味子。肉桂。兼胃。四君子湯。加黃芪。山棗。粟米。名七珍散。食少痰清者。異功散。加枇杷葉。白扁豆。灰。胃中痰食不清。吐血。加半夏。生姜。即白

扁豆散。

唾血 欬血 咯血

百九十四

欬血

欬血者。因欬嗽而見血。或乾欬。或痰中見紅絲血點。一兩口。氣急喘促。此雖肺體自燥。亦為火逆。欬傷血膜。而血隨痰出也。其脈微弱。平緩易治。弦數急實。氣促。甚嘶。咽痛者。不治。得此證者。若能靜養。庶有生理。治宜六味丸。加門冬。五味。清金壯水為主。畧兼阿膠。貝母。百合。欬冬。紫苑。潤肺之劑。血止後。胃虛少食。氣息者。切勞散。見肺痿。去半夏。加紫苑茸。及瓊玉膏。見虛損調理之。

○欬血久而成勞。或勞成而欬血。肌肉消瘦。四肢倦怠。五心煩熱。咽乾頰赤。心冲潮熱。盜汗減食。異功散。加阿膠。或四君子。加黃芪。鼈甲。麥冬。五味。

○陰虛火動。而欬血。或痰中有血星如珠者。生料六味丸。加茜根。烏賊骨。童便。

○欬血不止。至夜痰熱吐痰。或帶血絲者。六味丸。加蛤粉。童便。臨卧服。

○肥盛酒客輩。痰中有血。滾痰丸。菟絲之。

滾痰丸 見痰飲門

○欬唾膿血。欬即胸中隱々脈反滑數。或數實者。此為肺癰。更於本門求之。

咯血

咯血者。不欬嗽而喉中咯出小塊血。或血點是也。其證最重。而勢甚微。常咯兩三口即止。蓋緣房勞傷腎。陰火載血而上。亦有兼痰而出者。腎虛水泛為痰也。陰虛多火。黑瘦之人。最忌犯此。初起宜紫苑。麥冬。茯苓。杏仁。山茱。白芍。牡丹皮。童便。以清手足。少陽。厥陰。諸經。游散之火。後以六味丸。加牛膝。滋補腎陰。以安其血。慎不可用攻血藥也。

○伯仁。用生料六味丸。加麥冬。五味。下靈砂丹治之。然多有挾風寒。飲食而發者。兼風寒則人迎浮盛。或見強緊。飲食則氣口短滑。或反伏瀼。風寒則黃芪建中湯。飲食則枳實理中湯。不可妄用他藥。

血溢

血溢者。上出也。心主血熱。甚則血隨火而妄行。或謂嘔吐紫凝血。為寒者誤也。此非冷凝由熱甚銷燦。而為稠濁。熱甚則水化制之。故赤兼黑而為紫也。瀉心湯。蓋火性急速。故至溢脫。從未見有屬陰寒者耳。

瀉心湯。見傷寒。大黃黃連瀉心湯。或三黃瀉心湯選用。

○或偶觸破傷血。遂泉湧不止。惟用十全大補湯。頻多服。外用杏仁。研細拌。白麪水調塗之。

附方

治痰血法

主方。加鹿角膠。即効

吐血

腎大鴉。燒存性。白湯送下

治痰血遠年不愈者。名清神赤効散

犀角 辰砂

各等分。細末。白湯送下。

九竅出血

是證非中毒。即跌撲受傷。中毒者用生羊血等法。受傷者。觀其人不發熱。尚能飲食者。頻灌熱童便。無故發熱。九竅出血者。肝腎疲極。五藏內崩也。多不可治。若見血水必死。若因勞傷者。補中益氣倍參。甚或胎髮灰。大薊汁。人參湯調服。或血餘灰。每服二錢。以茅根。車前草煎湯。調下。

諸血

凡血證氣有餘。便是火。血隨氣上。補水則火自降。順氣則血不逆。阿膠。牛膝。丹皮。補水之藥也。藕子。橘紅。沈香。順氣之藥也。童便者。引血歸下竅。兼有行瘀之能。藕汁者。達血使無滯。而有止瀉之力。

○脈來沉實。腹中滿痛。或吐血塊。或為瘀血畜血。當歸。桃仁。赤芍。延胡索。蓬朮。大黃之屬。○怒傷肝木。則血菀於上。使人薄厥。沉香。木香。青皮。芍藥。丹皮之屬。

○勞心。蓮肉。杏仁。薯蕷。茯神。紫苑。栝仁。丹參。之屬。

○房勞。熟地。枸杞。牛膝。杜仲。鹿茸。人參之屬。

○血熱。地骨。丹皮。犀角。

○血寒。桂心。附子。

○血熱不止。山梔子灰。黃連灰。

○血瘀。髮灰。大黃灰。乾漆灰。

○血寒。乾姜灰。

○血滑。椶櫚灰。蓮房灰。

○血虛。地黃灰。

○三七。鬱金。行血中之氣。側柏葉。涼血中之熱。大小薊。行血中之滯。茅根導之。使下行也。

○凡失血脈數大為陽盛。濇細為少血。細數為陰火。鬱於血中。芤為失血。血虛氣不歸附。

弦緊脈痛。為瘀結。諸血皆屬於肝也。脈來寸口大。尺內微。為肺中伏火。尺中盛。而寸口虛。

大為腎虛陰火。尺滑而疾。為血虛有熱。右手虛大。為脾胃之火。左手數盛。為肝膽之火。大抵失血脈微弱細小和緩者易治。洪數實大弦急。或雖小按之如引葛。如循刀。及衄血身

熱脈至而搏。嘔血胸滿。引背。脈小而疾者。皆不治。

澁血

溺血之由。無不本諸熱者。多欲之人。腎陰虧損。下焦結熱。血隨溺出。脈必洪數無力。治當壯水。以制陽光。六味。加生牛膝。

○溺血不止。牛膝一味。煎膏不時服之。

○有氣虛不能攝血者。玉屑膏最妙。方用人參。黃芪等分為末。以白菜蕈切片蜜炙。不時蘸未食之。然痛屬火盛。則謂之血淋。不痛屬虛。謂之澁血。二者不可不辨。

○澁血。先與導赤散。見小便不通。加桂苓。作湯不效。此屬陰虛。五苓散。加膠。艾。下四味。鹿茸丸。見虛損。

○小便自利。後有血數點者。五苓散。加桃仁。赤芍。暴病脈滑實者。加大黃。滑石。甘草。延胡索。下之。澁血日久。元神大虛。而挾虛熱。所

下如砂石。而色紅。有如石淋之痛。神砂妙香散。加澤瀉。肉桂。病久滑脫者。去黃芪。山萸。桔

散。加澤瀉。肉桂。病久滑脫者。去黃芪。山萸。桔

梗。木香。加煨飛龍骨。益智仁。即王荆公妙香散。虛寒。以此湯。吞四味鹿茸丸。

辰砂妙香散。治心脾不足。恍惚不睡。盜汗遺精。衄血。溺血。

黃芪蜜炙 人參各二兩 甘草炙

桔梗 山藥 遠志甘草湯炮去骨

茯神 茯苓各一兩 木香煨二錢五分

辰砂淨三錢 另研水吞 麝香另研一錢

右十一味為散。每服二錢。不拘時。溫酒調服。秘旨無木香。有縮砂三錢。

○老人搜血。多是陰虛。亦有過服助陽藥而致者。多難治。大劑六味丸。加紫苑茸。作湯服之。

○搜血日久。形枯色痿。癢閉如淋。二便引痛。喘急虛眩。行步不能者。與死為鄰矣。

下血

血之在身。有陰有陽。陽者順氣而行。循流脈中。調和五藏。洒陳六府。如是者謂之營血也。陰者居於絡脈。專守藏府。滋養神氣。若是藏

感內外之邪傷。則循經之陽血。至其傷處。為邪氣所阻。漏泄經外。或居絡之陰血。因著留之邪。擗裂而出。則皆滲入腸胃而泄矣。下血。腸風。所下之血清而色鮮。四射如濺。乃風性使然。先與瀉青丸一二劑。後與逍遙散。加酒煮黃連。羌活。防風。烏梅。虛人。人參。胃風湯。最捷。

瀉青丸 治肝經實熱大便不通腸風便血陰

汗臊臭。

當歸 川芎 梔子炒黑

大黃 羌活 防風

草龍膽各等分

滴水為丸。空心茶酒下。七八十九。至百九。

人參胃風湯 治風入胃中。飲食便血。

四君子。去甘草。加歸。芍。芎。桂。粟米。一方多

木香。

○若肛門射血如線。或點滴不已者。乃五痔之血。當詳本門治之。

○血濁而色黯者。為藏毒。蘊積毒氣。久而始見也。宜小烏沈湯。見衄血下黑神散。同上。

脈實便秘。熱盛者。藏連丸。

藏連丸 治大便下血正赤。日久不止。若血色

晦淡者。禁用。

宣黃連 一兩酒炒為末

右用嫩豬臟二尺泡去油膩。入黃連末。線紫

兩頭。同韭菜蒸爛。搗作餅。焙乾為末。米糊為

丸。如桐子大。每服四五十九。食前米湯。或烏

梅湯下。一方加槐花二兩。不用黃連。但用

○腸風挾溼毒者。下如豆汁。兼紫黑瘀血

此醇酒厚味。所釀之溼。由足陽明墮經入胃。

滯溢而下也。脈細有寒者。升陽除溼防風湯。

見溼 脈數有熱者。去二朮。加黃連。當歸。甘草。

升陽除溼和血湯 治腸風下血。其血另作一

派。濺出遠射。四散如篩。腹中作痛。乃陽明氣

衝熱毒作也。人參敗毒散。不應用升陽除溼

和血湯。

生地黄

熟地黄

當歸身 各一

甘草 炙六分

白芍 炙半

黃芩 三錢

升麻 醋炒

蒼朮 酒浸去皮

秦艽

肉桂

陳皮 各三分

丹皮 炙半

水煎食前稍熱服。○秘旨。無蒼朮。有防風。

○宿有血證。因時熱下紫黑血。乃溼毒腸澼。

陽明少陽經證也。升陽益胃湯。

○下血久而不已。面色痿黃。下元虛憊者。

四君子。加黃芪。歸芍。下斷紅丸。虛甚十全大

補。去茯苓。加防風。

斷紅丸 治下血久不止。虛寒色淡晦者。

側柏葉 炒香

川續斷 酒炒各

鹿茸 一貝

前三味。為細末。醋煮阿膠為丸。每服四五

九。烏梅湯。米飲湯任下。

○凡下血。防風為上使。黃連為中使。地榆為

下使。

○先便後血。為遠血。宜黃土湯。先見血後

便。為近血。宜服赤小豆當歸散。

黃土湯 治陰絡受傷。血從內溢。先便後血。及

吐血。血色瘀晦者。并主產後下血。

白朮

附子 炮

甘草 炙

乾地黄

阿膠

黃芩 各半

竈心黃 雞子

大碎

右七味。先用水煎竈心土。澄清去滓。內諸茶煎成分溫。日再服。有熱。加栝葉一握。

赤小豆當歸散。治小腸熱毒。流於大腸。先血後便。及狐惑。畜血腸癰。便膿等證。

赤小豆者。二升。即赤豆之細者。浸令芽出。晒乾。當歸三兩。

為散。漿水服。方七。日三服。醋如無醪漿水。以和沸湯。

○色鮮紫者。為熱傷陰絡。槐花炒研。米湯服之。槐角煎膏。尤妙。

○色稀淡者。為脾虛。一味白朮米湯丸服。

○色瘀晦者。為積血。以亂髮二兩。紅花四兩。入煬成罐中。煨過。去紅花灰。止用髮灰。研細分三服。空心炒黑地榆煎湯。送下。三日必效。

下血。雖曰大腸積熱。亦當分虛實。不可純用

寒涼。必加辛散為主。久之不愈。宜理胃氣。兼升舉。棗故大便下血。多以胃棗收斂。不可徒用苦寒。

○色鮮紅為熱。瘀淡為寒。血因腸胃受冷。營行失度而下。四物加炮姜。灸甘草。熱血因熱毒之氣。蘊於腸胃。或飲酒過度。及灸灸。燔

所致。四物。加茜根。槐花。酒黃連。炒黑山拖之類。

○因冷飲中寒。或雜食生冷。血為寒凝而下。必腹痛色晦淡。宜附子理中湯。倍炮姜。加酒黃連。

○陰結便血者。厥陰肝血。內結不得陽氣。統運。滲入腸間而下。非謂陰寒內結也。補中益氣。倍黃芪。加炮姜。上二證。諸家悉採寶鑑。平胃地榆湯。結陰丹。從無言及其非者。敢力正之。

○內傷瘀血。胸脇小腹急痛。桃仁養氣湯。代抵當湯。隨痛之高下選用。大黃俱宜童便浸透。更用韭汁製。虛人可畧加桂。附。二三分。若瘀滯色晦不鮮者。又當用溫血藥。始得効。○血枯大便燥。而下鮮紫血者。大腸燥結而下也。一味槐角膏。涼潤之。

○腸風便血。一味旱蓮花。濃煎葱白湯。過口一服立効。

○又方。治腸風便血。劉寄奴半兩。松蘿茶一錢。烏梅肉一枚。煎服効。

附方

人參金粉丸 治內損下血并調理。

人參 白朮 茯苓

陳皮 山藥 厚朴各一兩

金箔五片 黃連五兩 虎肉二兩

甘草二分

右十味細末，生薑蕪研粘丸。每服三十粒，溫酒送下。日三。或為散，白湯送下。

一方

鼠尾草大 地榆 槐花各小

水煎服

一方

四物湯加荊芥、白芷、槐花。

一方

治久年不愈。四物湯加白槿花。

畜血

夫人飲食起居一失其節，皆能使血瘀滯行也。衄者血畜上焦，犀角地黄湯。心下手不可近者，血畜中焦，桃核兼氣湯。臍腹下腫，大便

黑者，血畜下焦也。抵當湯見傷寒下瘀血湯。及代抵當湯，隨證輕重選用。三焦畜血，俱見左脈，以肝主諸血故也。

○登高墜下，或重物撞打箭簇，又傷胸腹積血不散，以童便同酒煎大黃，隨輕重下之。或香殼散加童便，腰脇滿痛，復元通氣散去牽牛，加枳殼、柴胡、牡丹皮，惡血留於腹，脹痛不可忍，復元活血湯，挾血如見崇狀，當歸活血湯，醉飽入房，竭力傷肝，畜血在胃口者，韭汁童便下，越鞠丸，不應合平胃散，去蒼朮，加桃仁、丹皮，相和服。虛人理中，越鞠相和服。在少腹，代抵當丸，加熟附子三分。虛者必加人參錢許，以助藥力。

香殼散 治畜血暴起，胸脇小腹作痛。

香附姜汁炒 枳殼炒 青皮炒

陳皮 烏藥 赤芍藥

蓬朮醋炒各 歸尾三錢 紅花五分

甘草炙二分

為散，每服四五錢，水煎去滓，加童便半盞，空心溫酒服，更以挑核、黑糖酒助之，不應加延

胡索、穿山甲。有風寒。加桂枝。羌活。
復元通氣散 治閃挫氣血凝滯。腰脇引痛。

苗香兩 穿山甲炮 延胡索

白牽牛 陳皮 甘草兩

木香半

為散。每服二錢。砂糖調。溫酒送下。日二服。

復元活血湯 治從高墜下。惡血留瘀。腹股痛。

不可忍。

莖胡三錢 當歸二錢 甘草六分

穿山甲炮研 大黃酒浸 桃仁五十枚研

紅花三分 括蕷根五分

水二盞。酒一盞。煎至一盞。去滓。熱服。以利為

度。利後痛不止。三五日後痛尚不止。更作半

劑與之。

當歸活血湯 活挾血。如見崇狀。

當歸三錢 赤芍酒洗 生地黃酒浸另

桂心各一錢半 桃仁二十粒研 茯苓

枳殼 柴胡各八分 甘草五分

乾姜炮四分 紅花二分

右除生地。水煎去滓。入地黃。再煎數沸。加陳

酒服之。不應。加穿山甲五分。又不應。加附子

三分。有實熱。難用附子者。須大黃錢許。同用。

○身有寒熱。黃脈弦細而伏。服補瀉諸

藥不應。千金用大黃。芒硝。歸尾。桃仁。人參。桂

心。為散。酒服二方寸匕。藉參。桂之力。以攻之。

○膏梁肥盛多味。痰溼熱血。畜胃口。或兼

脇痛。或少腹痛。朝用瀉血丸。兼倍胃氣。夕用

變通抵當丸。專散畜血方。得峻。甚緩攻之妙。

瀉血丸 治肥人多年。內傷血畜於內。雜於痰

涎。諸藥不効者。

人參 白朮生 赤茯苓各一兩

甘草炙四錢 半夏七錢 浮石五錢

牡丹皮五錢 當歸身四錢 桃仁二錢乾漆

穿山甲三錢 桂三錢病在腹下用觀

為末。紅麴糊丸。溫酒三錢。瘦人去半夏。浮石。

加生地黃。蓬朮。蜜丸服之。

○虛人雖有瘀血。其脈亦芤。必有一部帶弦。

宜兼補。以去其血。桃核。兼氣。加人參五錢。分

三服。緩攻之。可救十之二三。又中氣虛人。胃

院有死血。每食姜湯。必呃。宜人參。雲朮。各二

兩為末。桃仁一兩同乾漆炒。去漆細研。蜜丸
彈子大。早晚細嚼。一九。醇酒下。

○凡畜血黑如漆。最為危殆。但下後神氣
稍寧。脈無變異。即為可療。若下後神氣昏憤。
脈見虛脫。加以厥冷。呃逆。多不可救。或人停
食。感冒後。大便下黑如漆。煩擾不寧。脈來弦
勁而數。此瘀垢未盡。與歸丹。芩。桂。牛膝。陵
之屬。後下瘀黑升許而瘥。或人積勞發熱七
八日間。下黑如漆。兩日後神識稍安。脈來濡
弱。知瘀黑已盡。與獨參湯。見衄血童便調補
愈。或人怒氣傷肝。嘔逆不食。五六日後。下血
如漆。脈得弦小。而疾。按之則衰。此瘀去而肝
氣未平也。沉香降氣散疎之愈。一人氣竭肝
傷。而下瘀血光亮如漆。三四日不已。神識昏
迷。時加微呃。脈來弦大而孔。此正氣告匱。脈
隨虛陽鼓激。而見大也。雖倉扁復生。奚益哉。

